

សូហាបិច្ឆាបិច្ឆា

| AWIG-AWIG

ក្រុងសាស្ត្រនាគីសិសិច្ឆា

DÉSA PAKRAMAN LILIGUNDI



ប៊ើតើសាគីសិសិច្ឆា

PĚRBĚKĚLAN BĚBANDĚM

តើសាសាគីសិសិច្ឆា

KĚCAMATAN BĚBANDĚM

កាបូបាសាគីសាសាសិសិច្ឆា

KABUPATĚN KARANGASĚM

MŪRDDHA WAKYA

Pŭrwwa pangastungkaran tityang Krama Désa Liligundi, ring buk pādan Ida Sanghyang Widhi masa sangkan paraning dumadi, bhaṭāra-bhaṭārī sané malinggā ring Pura Pusēh Liligundi, minakadi pura kahyangan sami sané wéntēn sajroning wawēngkon Désa Liligundi, dwaning malarapan saking krēttā warā nugrahan pāduka Bhaṭāra Samudhaya, kāryya puniki kasiddhan puput.

Kaping kalih hatur angayubagyan tityang krama Désa Liligundi, pingajēng ring ida dane para panglingsir, Kēliang, Pamangku, minakadi ida dane sang maraga céṣṭakāra, widagdha prajñā wicakṣaṇa sarēng sami, sané sampun sangkaning swéccha lédang sarēng mapawangun ngripta ugēr-ugēr marūpa awig-awig Désa Pakraman Liligundi puniki, pacang kānggēn sēpat siku-siku sajroning désa kantos kahungkur wēkas.

Talēr majēng ring Pamrintah Daérah Kabupatén Karangasem, para manggala sané mastika ngiwang patutang awig-awig, tityang ngaturang pangayu bagya, dwaning sampun kasiddhan nurékṣa maritētēs sahā mastikā, kantos marūpa puput.

Munggwing daging ipun mānūt Tri hita Kāraṇa, indik kahyangan gēnah ngadisthana Ida Sanghyang Parama Wiséṣa. Indik pawongan pinaka krama désa, indik palēmahan pinaka wawidhangan wawēngkon désa, mabantang antuk lēkita śāstrā-gama, śāsana, paswara, drēṣṭa, minakadi sané sawosan, sané hanūt ring pamarggin dharmma agama kālīh dharmma nāgara. Dumadak kasiddhan mamangguhang kajagaddhitan sakala niṣkāla.

ONG śanti, śanti, śanti ONG.

**DAGING AWIG-AWIG
DÉSĀ PAKRAMAN LILIGUNDI**

MŪRDDHA WAKYA	i
DAGING AWIG	ii
PRATHAMA SARGGAH : HARAN LAN WAWIDANGAN DESA	1
DWITYA SARGGAH : PIKUKUH LAN TATUJON	1
TRITYA SARGGAH : SUKERTTA TATA PAKRAMAN	2
Palēt 1 : Indik Krama	2
Palēt 2 : Indik Prajuru Desa	8
Palēt 3 : Indik Kulkul.....	12
Palēt 4 : Indik Sangkĕpan utawi Parumian	13
Palēt 5 : Indik Druwĕn Désa	15
Palēt 6 : Indik Laluputan	17
Palēt 7 : Indik Dadoṣan Patĕdunan	17
Palēt 8 : Indik Wetwĕtan, Kĕkĕran miwah Rarampagan Désa	18
Palēt 9 : Indik Bhaya	19
Palēt 10 : Indik Pañanggran Bañjar, Krama Désa	20
C'ATHURTA SARGGAH : SUKRĒTTA TATA PALĒMAHAN	21
Palēt 1 : Indik Tegal, Bangkĕt lan Karang	21
Palēt 2 : Indik Kakayonan	23
Palēt 3 : Indik Wawangunan	26
Palēt 4 : Indik Wawalungan	28
PANCAMA SARGGAH : SUKRĒTTA TATA AGAMA	31
Palet 1 : Indik Déwa Yajña	31
Kaping 1 : Indik Kahyangan	31
Kaping 2 : Indik Pangaci-aci	32
Kaping 3 : Indik Pamangku	36
Kaping 4 : Indik Sukrĕttan Pura Kahyangan	38
Kaping 5 : Indik Cuntaka, miwah Sosot	40
Palet 2 : Indik Rĕṣi Yajña	44
Palet 3 : Indik Pitra Yajña	45
Palet 4 : Indik Mauṣa Yajña	49
Palet 5 : Indik Bhuta Yajña.....	50

SAT SARGGAH : SUKERTTA TATA PAWONGAN	51
Palēt 1 : Indik Rangkat	51
Palēt 2 : Indik Bēlas Makurēnan utawi Nāpiyan.....	54
Palēt 3 : Indik Balu	56
Palēt 4 : Indik Santana	57
Palēt 5 : Indik Wawarisan	57
SAPTAMA SARGGAH : WICARA LAN PAMIDANDHA	59
Palet 1 : Indik Wicara	59
Palet 2 : Indik Pamidaᅇdha	60
ASTAMA SARGGAH : NGUWAH-NGUWUHIN AWIG-AWIG	61
NAWAMA SARGGAH : PAMUPUT	61

PRATHAMA SARGGAH

HARAN LAN WAWIDANGAN DESA

Pawos 1

1. Désa puniki mawāṣṭa Désa Pakraman Liligundi; salantur ipun kinucap kalih kasurātang sajro ning lëkita “Désa Pakraman Liligundi”.
2. Wawěngkon wawidanganya mawatës ñatūr:
 - ha. Těpi siring wétan utawi Kangin: Tukad Gěródég;
 - na. Těpi siring Kulon utawi Kauh: Tukad Krėkuk;
 - ca. Těpi siring Lor utawi Kalér: paněpin Désa Pakraman Nangka;
 - ra. Těpi siring Kidul utawi Kėlod: Tėlabah Waru.
3. Sajroning wawěngkon Désa Pakraman Liligundi, wéntěn babañjaran, lwiré:
 - ha. Bañjar Liligundi Kėlod;
 - na. Bañjar Liligundi Kaja.

DWITYA SARGGAH

PIKUKUH LAN TATUJON

Pawos 2

Maka pikukuh, Désa Pakraman Liligundi, ngarajėgang, mikukuhin, kalih mitindihin pisan:

1. Pancasila.
2. Undang-Undang Dasar 1945.
3. Trihita Karaṇa.

Pawos 3

Désa Pakraman Liligundi ngamanggèhang patitis tatujon, lwiripun :

1. Nguttamayang tata-cara maagama Hindu.
2. Ngawangunang katrèptyan sajroning désa pakraman, mangda kasiddhan rajèg katrèptyaning praja.
3. Ngawrèddhiyang kawicakṣanan minakadi kaprajñanan, maka larapan gumawé gèmuḥ landuhing praja.
4. Ngamanggèhang kalih ngawrèddhiyang padrèwyaning désa, majalaran kawicakṣanan guṇa lakṣaṇa mānūt dharmma-prawrètti.
5. Ngarajègang Dharmma-agama miwah Dharmma-nagara.

TRITYA SARGGAH

SUKERTTA TATA PAKRAMAN

Palèt 1

Indik Krama

Pawos 4

1. Sané kasinanggèh krama Désa Pakraman Liligundi, lwiré :
 - ha. Sang sapasira ugi jènèk magènah ring wawèngkon Désa Pakraman Liligundi, lintang ring tigang śasih utawi 105 rahina sané rajèg maagama Hindu;
 - na. Sang sapasira ugi wèd saking Désa Pakraman Liligundi, jènèk magènah ring dūra désa liwaring Désa Pakraman Liligundi, nānghing kantun mipil ring bañjar pakraman sané wéntèn sajroning Désa Pakraman Liligundi, sané mula pagènahanya nguni.
2. Papalihan krama désa, kadi inucap ring sor puniki :

- ha. Krama marĕp, krama désa sané bulangkĕp, sané sampun mipil ring bañjar pakraman Liligundi sinalih tunggil sané wéntĕn ring wawĕngkon Désa Pakraman Liligundi sané ngĕnahin karang désa minakadi sané néntĕn ngĕnahin karang désa;
- na. Krama Unggu: inggih punika tĕruņa tua, dĕha tua;
- ca. Krama ñada, krama désa sané sĕmpun tan kĕni ayahan lwiré:
- 1) Saking pinunas ngaraga tur sĕmpun polih lugraha manut panglokikan prajuru désa, kalih pamutus pararĕm désa;
 - 2) Mabukti sungkan rahat tur suwé, kantos tibanan, sungkan tan siddha waras, tan siddha maayahan manut panglokikan prajuru désa;
 - 3) Sĕmpun mayuša 70 warša manut panglokikan prajuru désa.
- ra. Krama balu, krama désa lanang wyadin istri, sané katinggal séda antuk rabiné, lanang sané kakawonin ñapihan antuk rabinya, wéntĕn balu camput, wéntĕn balu masantana.
- ka. Krama ring dura-désa, sang sapisira ugi wĕd saking Désa Pakraman Liligundi, jĕnĕk magĕnah ring dura désa liwaring Désa Pakraman Liligundi, nĕnghing manggĕh mipil ring bañjanya nguni.
- da. Krama tamiyu inggih punika krama sané kinucap ring sor puniki :
- 1) Sang sapisira ugi saking dura désa liwaring Désa Pakraman Liligundi, jĕnĕk magĕnah, madadunung ring pomahaning krama désa, magĕnah ring pomahaning druwĕn Guru Wisésa, Hotĕl, miwah salwir ipun, sasĕmpun tigang sasih utawi 105 dina, nanghing kari manggĕh makrama désa ring kamulan désanya, kabuktiang antuk surat sasinahan saking kĕlyang désanya;

- 2) Sang sapisira ugi wěd saking liwaring Désa Pakraman Liligundi, makakubon ngěnahin palěmahan: těgal, carik, palasan, ring wawěngkon Désa Pakraman Liligundi, nānghing kari manggěh makrama désa ring kamulan désanya, kabuktyang antuk surat sasinahan saking kělyang désanya;
- 3) Sang sapisira ugi jěněk magěnah ring wawěngkon Désa Pakraman Liligundi, yan tan maagama Hindu, talěr sinanggih tamiyu, tan sarěng sapolikramaning āgama Hindu ring Désa Pakraman Liligundi.

ta. Tamyu Ngajag inggih punika sang sapisira hugi rawuh ka jroning Désa Pakraman Liligundi, nanging tan někěh magěnah irika, sang karawuhan tamyu patut matur supékša ring prajuru désa, kalih ring sang amawa rāt, sajroning arahina ring awěngi, yan tan asapunika, prajuru désa wěnanng nundung tamyu hinucap mangda matinggal saking désa punika.

Pawos 5

Ngawit tědun makrama désa ring Désa Pakraman Liligundi :

1. Krama désa Ngarěp, malarapan antuk tatěragan bañjar, lwiré: sampun bulangkěp, sasāmpun tigang śasih utawi 105 dina saking dina pawidhi widhana pawiwāhané.
2. Sang sapisira ugi sané wěd saking dūra désa, magěnah ring wawěngkon Désa Pakraman Liligundi. Sasāmpun tigang śasih utawi 105 dina katěrag antuk prajuru désa sané ngawawa pagěnahanya.

3. Krama désa wéd saking Désa Pakraman Liligundi, matinggal kadura désa, wastu malih mawali ka Désa Pakraman Liligundi :

ha. Yan sangkaning rahayu kalih saking palugrahan prajuru désa patinggalé nguni, wěnanang mawali mipil ring sinalih tunggal bañjar pakraman sané wéntěn sajroning Désa Pakraman Liligundi, nganutin sukrėtan bañjar punika;

na. Yan sangkaning tan rahayu patinggalé ngūni, yogya Kělyang bañjar sané katuju ngatěngahang babawosé ka désa, mangda kabawosan antuk prajuru désa, yan katinutin tatěpasan prajuru désa punika, tur kacihnayang antuk maguru piduka ring sinalih tunggil Pura Kahyangan Tiga Désa Pakraman Liligundi, prasiddha kalugra mipil pinaka krama Désa Pakraman Liligundi.

Pawos 6

Husan makrama désa ring Désa Pakraman Liligundi, malarapan antuk :

1. Séda.
2. Sangkaning pinunas ngaraga, saha polih palugrahan prajuru désa.
3. Tédah utawi tilar saking Agama Hindu.
4. Kasěpėkang utawi kahėladang antuk désa.

Pawos 7

1. Swadharmaning krama désa :

ha. Krama Ngarėp, yogya kėni pāyah-ayahan, tatā-turun cumėk, ñanggra sarāja kāryyan désa, mānut hunggwan sowang-sowang.

na. Krama Unggu, yogya ngarombo sarāja kāryyan désa sané kapucukin antuk krama désa marĕp, tur kahunadikayang antuk prajuru désa.

ca. Krama ñada dados kaarahan pacang tĕdun ka désa yan buat pacang mapapinĕh, mababawos, ngawangun pangrĕñcana salwiré sané kabwatang antuk prajuru désa;

ra. Krama balu lanang wyadin istri tan kĕni pāyahan minakadi tata turun sadurung okané hantĕs maayahan, kawĕkas yan okané lanang wyadin istri sampun hantĕs maayahan patut krama balu punika maayahan, matata turun cumĕk bulangkĕp antuk pyanak;

ka. Krama désa ring dūra désa, yogya ngaturang panahub ka désa ngamaşa-maşa, sanangkĕn aci pyodalan agĕng ring Pura Pusĕh kala Pūrñama śásih Karo, gung artha manut pangarggan bĕras 15 kilogram, minakadi ngaturang dana pawangunan, ritatkālaning désa mapawangun, ngayum wawangunan, sané kadruwé antuk désa gung artha manut pamutus pararĕm désa;

da. Krama tamyu sané māgama Hindu, yogya ngaturang panahub ka désa ngamasa-masa, sanangkĕn aci Piodalan Agĕng ring Pura Pusĕh kala Pūrñama śásih Karo, gung artha manut pangarggan bĕras, 10, kilogram, minakadi ngaturang dana pawangunan, ritatkālaning désa mapawangun, ngayum wawangunan, sané kadruwé antuk désa, gung artha manut sakasiddhan krama suka;

ta. Krama tamyu sané tan māgama Hindu, tan sarĕng sapalikramaning désa, nanghing tan wĕnang piwal ring awig-awig, paswaran désa miwah pamutus pararĕm désa, sané ngindikang tata pawongan kalih palĕmahan;

sa. Krama désa samyan yogya saturut ring daging awig-awig Désa Pakraman Liligundi, paswara miwah pamutus pararēm désa ngutsayahang mangda kasiddhan mapikolih sakadi patitis tatujon désané kinucap ring hayun, tumus mamangguhang kajagaddhitaning praja;

wa. Sang sapisira hugi sané pacang ngadol, ngantahang, masēlangang, majēgang, masēwayang, makēdihang palēmahan carik, tēgal, pālasan miwah sané sawosan sané magēnah sajroning wawidangan Désa Pakraman Liligundi, hugi mangda polih palugrahan saking Prajuru Désa Liligundi yén tan polih palugrahan yogya indiké punika kahandēgang;

la. Yan wéntēn sinalih tunggal sang sapisira hugi saking dūra désa magēnah ring wawidangan Désa Liligundi, tan makrama désa ring Désa Pakraman Liligundi, tan kalugra ngalakṣaṇayang pañca yajña ring wawidangan Désa Liligundi, tan kalugra nganggén salwiring druwén désa.

2. Phalapékṣaning krama désa :

ha. Krama désa samyan sajaba tamyu ngajag yogya polih pasayuban wyadin pangōban saking désa, salwiring wyawaharanya utawi wicaranya yogya kabawosan antuk prajuru désa manut tata titining wicara;

na. Krama désa samyan sané māgama Hindu sajaba tamyu ngajag wēnang ngalakṣaṇayang Pañca-yajña sajroning Désa Pakraman Liligundi, mānut désa kāla patra, śāstra-agama, miwah nganutin sitan désa hinucap;

- ca. Krama désa ngarĕp, wĕnang polih babagyan layuban aci-aci salwir ipun, twas-twasan, miwah sawosan sané patut katiba ring krama désa;
- ra. Ñaluk mapitĕgĕs iuput ayah-ayah désa lwiré ritatkāla padéwaśa mamakuh, ngĕrĕbin, nandur pantun, minakadi kundangan, matĕpĕtin anak sungkan, mayajña, polih dadawuhan saking sang amawa rāt minakadi sawosan manut panglokikan prajuru désa;
- ka. Sané dados ñukşukin ayahan sang tan tĕdun māyahan yogya saking panglokikan kalih palugrahan prajuru désa.

Palĕt 2

Indik Prajuru Désa

Pawos 8

1. Désa Pakraman Liligundi kahĕmong antuk Prajuru Désa.
2. Prajuru Désa Pakraman, lwiré:
 - ha. Kĕlyang Désa
 - na. Sahing Kĕlyang Désa
 - ca. Pañarikan
 - ra. Juru Rakşa,
 - ka. Patangan.
3. Prajuru désa karĕmba antuk pingajĕng désa.

Pawos 9

1. Sané wĕnang kahadĕgang wyadin kamanggĕhang dados prajuru Désa Liligundi; lwiré :

- ha. Krama Ngarĕp, sané jĕnĕk magĕnah, makrama désa, matata turun cumĕk, māyahan sahurah-harih ring Désa Liligundi;
 - na. Tan cédāngga, sakadi pécéng, pérot, cungh lan sapanunggilan ipun, sané katandangin kabakta saking wahu ěmbas;
 - ca. Wikan mamawos kalih ñurat akṣara Bali utawi Latin;
 - ra. Mabukti tan nahĕn malakṣaṇa corah.
2. Sané wĕnang kādĕgang dados pingajĕng désa lwiré:
- ha. Kĕlyang-kĕlyang bañjar pakraman;
 - na. Utusan saking panglingsir dadya;
 - ca. Kĕlyang-kĕlyang subak, pamangku désa, miwah sang sapisira hugi kabwatang antuk désa kamanggalain antuk prajuru désa.
3. Pidabdab ngadĕgang Prajuru Désa :
- ha. Paruman utawi pasamuhan pingajĕng désa ngawĕntĕnang sasĕliran limang diri sané pacang kādĕgang dados prajuru désa sasāmpun wĕntĕn sang kasĕlir punika kapaṣṭikayang wyadin kapilih sajĕroning paruman désa;
 - na. Laminé dados prajuru désa wantah limang warṣa saking dina pawintĕnané sajaba kapadgatakālan minakadi sangkaning wĕntĕn wicara;
 - ca. Yan sang sampun nahĕn madĕg pinaka prajuru désa, wĕnang kasudi malih;
 - ra. Yan wĕntĕn sinalih tunggal piwal kālaning kasudi antuk paruman désa, sang piwal punika wĕnang katiwakin panglokika, yan tan manūt pakṣanya yogya kabawosan antuk paruman désa, yan jāti tuhu pakṣanya, paruman désa wĕnang ñudi sané sawosan.

Pawos 10

Swadharmma ning Prajuru Désa :

1. Midabdabin désa, krama désa, pacang ngupadi kajagaddhitan sakala nişkāla, maka darśana awig-awig désa, paswaran désa, pamutus pararēm désa, nganutin śāstrā Agama Hindu minakadi ugěr-ugěr nāgara.
2. Ngarañcana salwiring utsahan désa kahungkur, ngarañcaṇa salwiring sané ñandang pacang wangunang, sané patut hayum, manut lokika désa kāla patra. Sané mabuwat, kasiddhan polih palugrahan Guru Wiséša.
3. Mawosin salwiring wyawahara utawi wicara, sané wētu sajroning Désa Pakraman Liligundi, niwakang tatimbang utawi pamutus babawos sané yogya kaputusan sajroning désa pakraman. Yan tan kasiddhan kabawosan ring désa, prajuru désa mituduhang mangda ngaturang ring Guru Wiséša mangda kabawosan.
4. Mratyakṣa, nulingayang saparipolah prajuru désa, lwiré; Kělyang bañjar, Pamangku Pusèh, Dalèm, minakadi sané sawosan sané wéntèn sajroning wawəngkon Désa Pakraman Liligundi.
5. Midabdabin salwiring pamarggin haci-aci ring Désa Pakraman Liligundi, talěr nulingayang krama désa indiké ngalakṣanayang Pañca-yajña.
6. Wənanğ ñanggra salwiring pituduh, minakadi sarāja kāryya saking Guru Wiséša, wərat utawi ringan, sané yogya katiwak ring désa pakraman.
7. Pinaka dutta pacang matēmwang babawos ring sang sapasira hugi, yan paindikan punika kapinèh ñandang pacang margginin.

8. Wěnang ngawangunang langlang désa, sané patut ngalanglangin sarāja kāryyan désa, nulinga katrěptyan sawawěngkon Désa Pakraman Liligundi, salantur ipun indik ngaděgang manut paswaran désa.
9. Prajuru désa patut mawintěn majaya-jaya ring salah sinunggil Pura Kahyangan Désa, déwaśa pawintėnan manut pamutus paruman désa ritatkālaning ngaděgang prajuru désa hinucap.

Pawos 11

Swadharmmaning pingajěng désa:

1. Sarěng mikayunin kalih mawosin, sajěroning midabdabin désa, sawěrat-wěrat ipun saking pinunas prajuru désa, mangda kasiddhan ngulati kajagaddhitaning désa.
2. Ritatkālaning pasamuhan désa pacang ngaděgang prajuru désa pasamuhan punika kahamong panyanggrané antuk pingajěng désa kantos puput.

Pawos 12

Phalapékśa ning Prajuru Désa:

1. Lupút rarampén utawi rararnon.
2. Polih patwas kalih tanding.
3. Patwas siyosan manut pararēm.

Pawos 13

Prajuru Désa kagěntosin, majalaran antuk :

1. Séda.
2. Mabukti sungkan rahat tur suwé.

3. Mapinunas sangkaning rahayu, sasampun polih lugraha saking paruman désa.
4. Majalaran tutug sengkër pangadégé.
5. Sangkaning kahusanang antuk Paruman Désa mabukti iwang.

Palèt 3

Indik Kukul

Pawos 14

1. Sajroning wawëngkon Désa Pakraman Liligundi, wéntën babacakan kukul, kadi ring sor puniki :
 - ha. Kukul désa;
 - na. Kukul pura;
 - ca. Kukul Bañjar.
 - ra. Kukul sèkèha-sèkèha.
2. Mungging swaran kukul punika mangda mabhina-bhinayan sawiji sowang, manut sor singgih, yan wéntën swaran kukul patèh, karun wyadin sawër, mangda kapaṣṭika salah sawiji, antuk sang madruwé.
3. Nèpèk kukul manut Tri Brata Sandi : dharmma, śima, lakṣaṇa, tēgēsipun :
 - ha. Dharmma: swaran kukul maka cihna wyadin tatēngër upacara agama wyadin yajña.
 - na. Śima: swaran kukul maka cihna wyadin tatēngër pañca bhaya.
 - ca. Lakṣaṇa: swaran kukul maka cihna wyadin tatēngër patēdhunan.
4. Indik tatēpèkan kukul manut pasobhaya kuna drēṣṭa minakadi paswara.
5. Hunggwan nèpèk kukul:

- ha. Yan nĕpĕk kulkul tatĕngĕr patĕdhunan, hugi kulkul sanĕ kadruwĕ antuk krama, sanĕ pacang tĕdhun katĕpĕk antuk sang patut ngulkulang.
- na. Yan nĕpĕk kulkul tatĕngĕr pañca bhaya, wĕnang saungguan-ungguan, asing nampĕk gĕnahĕ, wĕnang katĕpĕk antuk sang rihinan manggihin bhaya punika, minakadi saking pituduh sang ngawiwĕnangang.
- ca. Yan nĕpĕk kulkul tatĕngĕr upacara agama, dĕwa yajña, bhuta yajña, mānuṣa yajña, pitra yajña, wĕnang kulkul sanĕ wĕntĕn ring sowang-sowang gĕnah upacaranĕ. Yan ñĕlang kulkul sawosan patut wĕntĕn palugrahan sang ngawiwĕnangang.
- ra. Yan kālaning ngalungayang bhaṭāra, mĕndak bhaṭāra, Bhaṭāra turun kabĕh, kālaning pacaruwan dĕsa, sami kulkulé dados swarayang, tatĕpĕkan manut krama. Yan wĕntĕn sinalih tunggal mamurug nĕpĕk kulkul tan manut krama yoga kabawosan antuk prajuru dĕsa katiwakan panglokika saha pamidaṇḍha manut paswara.

Palĕt 4

Indik Sangkĕpan utawi Paruman

Pawos 15

Munggwing sangkĕpan utawi paruman minakadi pasamuhan sajroning Dĕsa Pakraman Liligundi, kadi ring sor puniki :

1. Sangkĕpan prajuru kawĕntĕnang ngaśāsih satunggil rahina Tumpĕk, yan tan kasiddhan rahina punika wĕnang rangkadang apanutan.
- ✓ 2. Sangkĕpan utawi paruman dĕsa kawĕntĕnang satunggil Umanis Galungan.
3. Sangkĕpan bañjar, sĕkĕa, pamakṣan, dadia miwah sĕkĕa-sĕkĕa sawosan sanĕ wĕntĕn sajĕroning Dĕsa pakraman Liligundi kawĕntĕnang manut

awig-awig paswaranñané sowang-sowang nanging hugi tan sinarĕngan ring sangkĕpan désa minakadi sangkĕpan prajuru désa.

4. Sangkĕpan prajuru désa, sangkĕpan désa dados kalakṣaṇayang padgatakāla manut kabwatan.

Pawos 16

1. Sané yogya nĕdunin sangkĕpan utawi paruman désa punika pingajĕng sang patut sarĕng sajroning sangkĕpan désa, mawĕwĕh pamangku-pamangku kahyangan désa minakadi krama désa marĕp sarĕng sami.
2. Sané patut nĕdunin sangkĕpan prajuru désa, pamangku pura kahyangan désa, minakadi sang sapisira kabuwatang antuk prajuru désa.
3. Maka manggalaning mababawosan sajroning sangkĕpan utawi paruman, manggĕh panglingsir utawi kĕlyang désa, wyadin salah sinunggal prajuru désa saking palugrahan bĕndésa.

Pawos 17

Tata kramaning pasangkĕpan wyadin paruman:

1. Sayā patut makta pasayaan, tĕgĕp étĕh-étĕh pasayaan salwir ipun, minakadi haturan canang panaracak, saha pasĕgĕh, manut drĕṣṭa kuna.
2. Yan kapatut pacang nganggén babantĕn sakabwatan, prajuru désa, yogya mituduhang mangda cumawis, saha ñuksrahang padagingan ring sang kapituduh makaryya babantĕn ika.
3. Sayā wĕnang nĕpĕk tĕngĕran sapisan sadurung ngawitin sangkĕp, ngararis ngĕmbakang sĕngsĕng janggi, ngararis haturan punika kahantĕbang, mabriyuk muṣpa sarĕng sami, ngararis mababawosan kantos puput.

4. Babawosan sajroning sangkĕpan wyadin pasamuhan, ugi ngupadi karahayon jagat, minakadi ngarajĕgang kamuruban Sang Hyang Widhi, majalaran bhawa lakṣaṇa manut catūr drĕṣṭa luih ipun: désa drĕṣṭa, loka drĕṣṭa, kuna drĕṣṭa miwah śāstra drĕṣṭa.
5. Yan wĕntĕn sinalih tunggil krama ngatĕngahang babawos jroning sangkĕpan, yogya kadamyakang, yan ñandang bawosin, yogya rinawosan, yan tan ñandang bawosin, hantukang ring sang ugamimitin.
6. Sané kinucap pamutus babawos, wyadin paswara jroning sangkĕpan, paruman yan briyuk sapanggul hanut sang ñangkĕpin, yan tan sapunika, asing akĕhan wĕnang turut manut panglokika, pamutus babawos yogya kalĕkitayang, kalakṣaṇayang manut hanggĕran ipun.
7. Pradé tan puput babawosé sajroning sangkĕpan kantos ping tiga sangkĕpané, patut katĕngahang sajĕroning pasamuhan, pamutus babawos sajĕroning pasamuhan pinaka pamutus pamĕkas.
8. Pradé wĕntĕn wyawahara utawi wicara mabuwat, sangkĕpan utawi paruman wawu dados kamargyang risāmpun katĕdunin antuk krama désa sakirangnya kalih pahtigayan saking krama désa sami.
9. Sangkĕpan punika kabawos puput, yan sampun nimbalang pagilih sayā sangkĕpan, saha sampun mabacak.

Palĕt 5

Indik Druwĕn Désa

Pawos 18

Sané kadruwé antuk Désa Pakraman Liligundi, lwiré :

1. Pura Kahyangan Désa :

ha. Pura Pusĕh;

- na. Pura Dalēm;
 - ca. Pura Tělaga utawi Pura Ulun Suwi;
 - ra. Pura Pěnataran;
 - ka. Pasucian Bhaṭāra.
2. Pura Désa.
3. Tanah ayahan désa, palabha pura, carik, tēgal manut lēkitan ipun sowang-sowang.
4. Palēmahan sané kaanggén Pura Dalēm haturan I Kětut Sari.
5. Sétra apalēbahan sané kēpah dados tigang soroh lwiré:
- ha. Sétra raré ring sisi kēlod kangin;
 - na. Sétra tēbén utawi sétra pangilang-ilangan gēnah mēndhēm sang tan sarēng makrama désa ring Désa Pakraman Liligundi ring sisi kēlod kawuh;
 - ca. Sétra gēdé, sétra gēdé punika haturan I Kětut Sari atēnga.
6. Lēmbaga Pērkriditan Désa, minakadi utsahan désa sawosan.
7. Lalangan sakadi tatabuhan lan ilén-ilén padruwén désa lwiré:
- ha. Gong abarung;
 - na. Kulkul Bañjar, kulkul désa, kulkul pura.
8. Pralingan Ida Bhaṭāra srēgēp rawuhing ilén-ilén, jēmpana, prabot paayah-ayahan.
9. Sakañcan kēlēbutan toya, toya anakan, tihisan sané dados kaanggén pasucian Bhaṭāra, sané dados kaanggén béji, sané dados katantan ka désa pakraman, sami kadruwé antuk Désa Pakraman Liligundi.

Pawos 19

Pyolih-olih Désa Pakraman Liligundi Iwiré:

1. Upěti tanah palabha pura.
2. Pyolih pamupon tanah carik, tęgala palabha pura druwén désa.
3. Urunan, panahub, pakěnin-kěnin pakāryyan krama désa.
4. Aturan, dana punia.
5. Pyolih-olih saking Lěmbaga Pěrkriditan Désa.
6. Pyolih-olih saking usaha, gunakayan krama désa, minakadi sawosan saking patut rahayu.

Palět 6

Indik Laluputan

Pawos 20

1. Sang sadaka, pamangku désa, prajuru désa, pingajěng désa, miwah sang sapasira hugi sané kapiněh ñandang polih laluputan.
2. Lwir laluputan kaungguhang sajěroning paswara pamutus pararěm Désa Pakraman Liligundi.

Palět 7

Dadoşan Patědhunan

Pawos 21

Dadosan patědhunan, sangkěpan, tědun makāryya miwah sané sawosan, nganutang sukrětta sowang-sowang Iwiré:

1. Yan prajuru désa madruwé patědunané, yogya nganggén sukrěttan désa, sané kagadhuh antuk prajuru désa, dadosan ngarañjing ka désa.

2. Yan babañjaran madruwé patědunané, yogya nganggén sukrěttan bañjar sowang-sowang sané sãmpun kagadhuh antuk bañjar punika. Dadoşan ngarañjing ka bañjar.
3. Yan subak madruwé patědhunané, yogya nganggén hugěr sukrěttan subak sané sãmpun kagadhuh antuk subak sowang-sowang, dadoşané ngarañjing ka subak.
4. Yan sěķęa-sěķęa madruwé patědunané, yogya nganggén hugěr sěķęa sowang-sowang, dadoşan ngarañjing ka sěķęa.
5. Agung alit dadosané sané katěrapang ring wawidangan Désa Pakraman Liligundi lwiré: ring désa, ring bañjar, ring subak-subak, minakadi sěķęa-sěķęa sawosan mungguh sajěroning paswaranya sowang-sowang, saha macacirén palugrahan prajuru Désa Pakraman Liligundi.
6. Yan wéntěn krama sinalih tunggal tan tinut ring tatěpasan miwah dadoşan punika, wěnanğ babawosé katěngahang ka désa.

Palět 8

Indik Wětwětan, Kěķeran miwah Rarampagan Désa

Pawos 22

1. Désa Pakraman Liligundi wěnanğ nguwět, ngěķer miwah ngarampag taru ri tatkāla pacang mapawangun, ngayum wawangunan ring pura druwěn désa.
2. Wětwětan désa lwiré: taru ñangka, cěmpaka, majagawu, sané magěnah ring tanah labha pura Pusěh Liligundi sané kabwatang antuk désa.
3. Kěķeran désa lwiré taru-taru sané dados anggěn lakar wawangunan sané magěnah ring tanah patěgalan, sawawaning tanah tēgal labha pura Pusěh Liligundi sané kabwatang antuk désa.

4. Mungging indik nguwēt, ngēkēr miwah ngarampag taru hugi majalaran antuk paswara, pamutus paruman Désa Liligundi, bwaté ngamargiang wēt wētān, kēkēran miwah rarampagan kadamyakang ring wadésa.
5. Indik ngrampag raramon, lwiré: ron, busung, hambu, tihing, ritakāla pujawali patirthan Bhaṭāra ring Pura Pusēh Liligundi, wēnang ngarampag ring patēgalan, pālasan, karang suwung sajēroning palēmahan Désa Liligundi. Indik ngarampag sakadi ring sor puniki:
 - ha. Wēnang ngarampag asoroh sajroning asukat;
 - na. Ron kalih papah sajēroning asukat;
 - ca. Busung amuncuk sajēroning asukat;
 - ra. Hambu amuñcuk sajroning asukat
 - ka. Tihing akatih sajroning alingsēh manut pagilih rarampagan.
6. Yan kālaning nguwēt, ngēkēr miwah ngarampag, sang nguwēt, ngēkēr miwah ngarampag hugi masadok ring sang madruwé wyadin ring pañakap sinalih tunggil, saha sadu hajēng, yan tan masadok, daṇḍha sang ngarampag gung artha sakadi pangargan sané karampag anikēla.

Palēt 9

Indik Bhaya

Pawos 23

1. Sané kinucap pañca-bhaya, lwiripun: jiwa bhaya, aghni bhaya, toya bhaya, artha bhaya, bayu bhaya.
2. Salwiring bhaya wēnang gēgérang antuk swaran kulkul.
3. Sang sapasira hugi krama désa sané manggihin, wyadin huning ring panangkaning bhaya, ring kang katibén bhaya, wēnang ngēgérang nēpēk kulkul manut indik kakulkulan bhaya, raris damyakang ring wadésa.

4. Rikāla wéntěn swaran kulkul bulus tatēngēr bhaya, krama désa patut yatna, sayaga, saha srēgēp ngamong prabot wyadin gagawan sowang-sowang.
5. Yan sampun tatas ring bhaya punika, krama désa patut matatulung nambakin, wyadin ngamēsēhin bhaya punika, manut hunggwan, kalih manut patuduh sang yogya ngawiwēnangang.
6. Sang sapisira hugi tan kawasa majajabur utawi majajarah rikālaning désa, krama désa katibén bhaya. Yan wéntěn sinalih tunggal kacirénan mamurug, yogya katēngahang ka désa, wyadin katur ring sang amawa bhumi, mangda kabawosan.
7. Yan pinganan bhaya punika sampun kapinēh nahnah, tan pacang ñangkalén wēnang kacinnayang antuk swaran kulkul lambat atuludan, wyadin pasiyar saking sang ngawiwēnangang.

Palēt 10

Indik Pañanggran Banjar, Krama Désa

Pawos 24

1. Salwiring sané jagi kasanggra antuk désa wyadin bañjar, kapastikayang sajéroning paswaran désa minakadi paswaran bañjar, sakadi papatusan minakadi sakabwatan désa minakadi bañjar.
2. Saraja karyyan désa kasanggra antuk krama désa kahunadikayang antuk prajuru désa.
3. Saraja karyyan bañjar kasanggra antuk krama bañjar kahunadikayang antuk kēlyang bañjar.
4. Yan wéntěn krama bañjar ngawangun yajña suka duka, kéngin nunas pañanggran bañjar manut pararēm bañjar.

CATHURTA SARGAH

SUKRĒTTA TATA PALĒMAHAN

Palēt 1

Indik Tĕgal, Bangkĕt lan Karang

Pawos 25

1. Palĕmahan Désa Pakraman Liligundi, mahugĕr antuk tri maᅇdhala, lwiré :
 - ha. Utama-maᅇdhala: palĕmahan sané kaanggĕn karang pura, wyadin paryangan.
 - na. Madhya maᅇdhala: palĕmahan sané kaanggĕn karang pomahan, gĕnah wawangunan, sakadi: baᅇjar, sĕkolah, kantor, klinik, miwah sané sawosan.
 - ca. Niᅇta maᅇdhala: palĕmahan sané kaanggĕn sétra, marggi, rurung, tlabah, papunduk, tulak tanggul, miwah sané sawosan. Sahanan palĕmahan sané wĕntĕn ring wawĕngkon Désa Pakraman Liligundi, yogya mangda madruwé babalĕdan wyadin watĕs sané pasti.
2. Sahanan palĕmahan punika, hugi mangda madruwé marggi, rurung, papunduk sané dados kahĕntasin.
3. Yan wĕntĕn pakarangan pura, pomahan, tĕgal, bangkĕt, miwah palĕmahan sawosan kabĕbĕng tan madruwé marggi, rurung, miwah papunduk, sang madruwé patut ngatĕngahang babawosé ka désa, prajuru désa yogya nĕgdĕg, ngutsahayang mangda polih marggi malarapan sami suka. Yan patut matumbas, manut pangargan tanah sané kamanggĕhang antuk sang amawarāt, sami katahur antuk sang mamwatang.
4. Yan désa pacang ngalinggahang marggi, rurung, minakadi makarya marggi, rurung désa, saking sampun ingkup paswaran désa kalih sang madruwé

tanahé, yan nganggén tĕgal, bangkĕt miwah palĕmahan sawosan, wĕnang tan nahur pangargan tanah punika. Nanging yan madaging papayon, wawangunan salwiré, désa patut ngicĕn prabĕya agung alit manut pamutus parĕmbug désa kala punika.

5. Sahananing karang pomahan hugi mangda masĕngkĕr. Pidabdab ñĕngkĕr, magalĕng ka dulu. Pañĕngkĕr sané sisi kangin miwah kalér, patut kakaryyanin antuk sang ngĕnahin karang punika.
6. Sahananing tĕgal, bangkĕt watĕs ring sisi kĕlod miwah kauh kapyara antuk sang nruwĕnang tĕgal miwah bangkĕt punika.
7. Sang sapasira hugi ngĕnahin karang tĕgĕhan, patut naku, tĕgĕhé asukat tanah dangsah, sané tĕbĕnan, wĕnang ñusunin tĕmbok.
8. Tĕlajakan karang patut kapyara antuk sang ngĕnahin karang punika sowang-sowang, mangda mapikĕnoh tur haśri.
9. Yan wĕntĕn sinalih tunggal ñadya ñalĕksĕk wyadin ngalĕklĕk babalĕdan salwiring babalĕdan wyadin wawatĕsan, lwiré: babalĕdan wyadin watĕs pura, karang pomahan, bangkĕt, tĕgal, sétra, tlabah, jlingjing, margi, rurung, papunduk, miwah sané sawosan, yoga katiwakan daᅇdha manut wĕrat ringan kahiangané, saha ngantukang, mahayu sané kaslĕksĕk wyadin kalĕklĕk, kalih mrayascita sakabwatan, sané nyandang katibanan pañangaskāra.
10. Yan hana sinalih tunggil ngalĕtĕhin, ngarucakin, ngarobĕdin, ngararabin, palĕmahan liwaring pomahan padruwĕyan ñané, lwiré: ngutang luhu, bangkaan, miwah salwir ipun, ñorongang babañon, yoga katiwakan daᅇdha gung artha manut pangarggan bĕras 5 kilogram, luhu, bangkaan miwah salwir ipun patut katanĕm olih sang ngĕntungang, tur mahayu sané

- kalětėhan, karucakan, karobėdan, raraban inucap ring hajėng, saha mrayaścitta sanė ñandang kėni pañangaskāra.
11. Yan wėntėn anak ngėnahin palėmahan sajroning wawėngkon Dėsa Pakraman Liligundi tan tinut makrama dėsa nganutin awig-awig miwah pašwaran dėsa, tan kalugra ngangėn salwiring padruwėyan dėsa, tan kalugra ngalakṣaṇayang Pañca Yajña sajroning Dėsa Liligundi. Yan tėkaning kapatyan dados sawubang utawi pėndėm ring sėtra tėbėn utawi sėtra pangilang-ilangan, tan polih pañanggran krama bañjar minakadi pañanggran krama dėsa.
 12. Yan wėntėn anak tan maagama Hindu ngėnahin palėmahan sajroning Dėsa Pakraman Liligundi patut nganutin pašwaran Dėsa Pakraman Liligundi.
 13. Sang sapašira hugi yan pacang ngadol, ngantahang, masėlangang, majėgang, makėdihang palėmahan sajėroning wawidangan Dėsa Liligundi, hugi mangda polih palugrahan Dėsa Liligundi, yan wėntėn mabukti mamurug indikė punika tan tulus kalakṣaṇayang.

Palėt 2

Indik Kakayonan

Pawos 26

1. Tan kalugra nėbtėb, ngrėbah, wit-witan salwir ipun, ring pālasan, patėgalan, habing, tangkid, miwah gėnahė sawosan, sanė kakėkėr antuk dėsa. Yan wėntėn sinalih tunggal mamurug, katiwakan daṇdha manut lokika, manut pašwara, tur taru sanė karėbah mantuk ka dėsa.
2. Salwiring wit-witan sanė sampun kacirėnan wyadin kawėt antuk dėsa pacang manggė mapawangun ring dėsa, lwirė: majagau, cėmpaka, nangka

- pradéné punika karēbah antuk sang madruwé, yoga sang madruwé katiwakan daṇḍha, manut lokika, manut paswara, taru wyadin wit-witan sané karēbah mantuk ka désa wyadin ngétang pangarga.
3. Yan wéntēn wit-witan wyadin kakayonan ngungkulin palēmahan anak sawos, sané ngawinang tiyēb, tampyas, ngarobēdin, asing kungkulan wēnang ngatēngahang ka désa, prajuru désa maritētēs saha mituduhang sang madrēwé mangda ngrañcap, nēbtēb, wyadin ngarēbah. Yan kantos ping tiga pituduh désané tan kalingu, wēnang katiwakan daṇḍha sang anikēl tuduh, gung artha manut paswara. Kakayonan punika prasiddha karēbah antuk désa picuṇḍhangan.
 4. Tanēm tuwuh jroning karang pomahan, tan kalugra tēgēh ipun lintangan ring jan palit solas, wyadin limang métēr, bungkil ipun adēpa agung, wyadin kalih métēr tēngah saking pañēngkéré ngajrowang. Yan mamurug, wéntēn raris ngatēngahang ka désa, yoga sang madruwé katiwakan daṇḍha gung artha manut paswara, saha ngarēbah sajroning tigang rahina saking pamuput babawosé.
 5. Kakayonan jroning pomahan hugi mapyara mangda tan ngalētēhin, ngarobēdin, mamayén karang sawosan, saking akah kantos daun ipun. Yan wéntēn mamurug, tan tulinga ring kakayonan duwé, wéntēn ngatēngahang ka désa, prajuru désa yoga maritētēs, saha nēpasin manut panglokika kalih paśwaran désa.
 6. Yan wéntēn wit taru mēntik kantos agēng ring babalēdan, watēs, salwiring babalēdan mwan watēs, wéntēn ngatēngahang ka désa, patut taru punika karēbah, raris pinara tiga, apahtigayan mantuk ka désa, sang maduwé babalēdan apahtigayan sowang-sowang.

7. Yan wéntën sinalih tunggal nundungin tanëm tuwuh, kakayonan, sané kaswatah pacang mamayén, wěnanng kabawosang ring sang madruwé. Yan akas sang madruwé, yogya katěngahang ka désa. Prajuru désa něgděg tanëm tuwuh wyadin kakayonan punika. Yan manut panglokikan prajuru désa yogya tundungin, talěr akas sang madruwé, patut sěpat gantungin. Yan jati kadi pañwatahé, yogya sajroning tigang dina, karěbah picuᅇdangan. Sang madruwé katiwakan daᅇdha gung artha manut paswara doᅇané anikěl tuduh. Yan tan yukti kadi pañwatahé, sang ngatěngahang katiwakan daᅇdha gung artha manut paswara, doᅇané angadakakěn nora, tanëm tuwuh wyadin kakayonan punika tan karěbah.
8. Yan wéntën sinalih tunggal ñadya nandur pijěr, turus, salwiring tanëm tuwuh wyadin kakayonan sané pacang dados agěng, něsěk ring babalėdan, ring watės, papunduk, hugi mangda masupėksa ring prajuru désa, kalih ring pañanding sowang-sowang. Yan tan kalugra tan kapisukayang, pradėné talěr kapurug, yogya sang mamurug katiwakan daᅇdha gung artha manut paswara, tur ngamadhěmang tatandurané.
9. Yan wéntën krama nandur pijěr, cěngkėh, salak, poh, bulwan, durén, wani, miwah sapanunggilan ipun, sané tuwuh ipun pañjang ring těgal sasakapan, hugi mangda makāryya pasobhaya ring sang madruwé těgal hinucap. Yan durung pinganan mawoh tatanduran punika, durung nahěn ngalapin woh ipun pinih sor limang pėlabuh, durung manut pacang rėbah raris kajabutan, yogya sang madruwé těgal nawur pañjala sawit-sawit, gung artha manut paᅇwara, wyadin pasobhaya.
10. Sang sapaᅇsira hugi ñakap těgal, tan kawaᅇa ngarėbah tanëm tuwuh sané dados anggėn lakar wawangunan, yan tan polih lugra saking sang

madruwé tĕgal minakadi palugrahan prajuru désa.

11. Krama désa patut ngamanggĕhang kawrĕdyan tanĕm tuwuh sané ngawinang désané aśri tur lĕstari.

Palĕt 3

Indik Wawangunan

Pawos 27

1. Sang sapisira hugi krama désa sawawĕngkon Désa Pakraman Liligundi, yan pacang ngawangun pañĕngkĕr karang pomahan, patut masupĕkša ring pañandingé. Yan tan radin yogya nunas dĕgdĕgan ring prajuru désa. prajuru désa nĕgdĕg sádu hajĕng sang mawicara.
2. Wawangunan ring palĕmahan pĕcak tĕgal, bangkĕt, palĕmahan suwung, sané sampun masanggah pawon, palĕmahan punika prasiddha kabawos karang pomahan, dwaning sampun katiwakan pangupakāran karang. Awanan patut madruwé rurung bĕtĕl ka marggi agung, sukat dados pacang ngalintangang papaga, dwaning tan kapatut ngalintangang sáwa ring tĕgal, bangkĕt, yan wĕntĕn mamurug, yogya prajuru désa niwakang tatĕpasan mangda sang mamurug mrayascita palĕmahan hinucap sané kalintangan.
3. Yan tan masanggah panguluning karang, kabawos akakubon. Tan yogya gĕnah ngrakša sáwa. Yan wĕntĕn mamurug, yogya katiwakan pamidañdha mangda mrayascita palĕmahan punika.
4. Yan wĕntĕn sinalih tunggal sang sapisira hugi pacang ngawangun wawangunan gĕnah ngalaksanayang upacara Agama Iwiré: Pura, Masjid, Geréja, Wihara, miwah sané sawosan, hugi mangda wĕntĕn lĕkita palugrahan prajuru désa, kalih lĕkita palugrahan Guru Wiséša. Yan wĕntĕn mamurug kadi kinucap ring hajĕng, kabawos tan siddha kāryya, tan wĕnang

anggéněn, tur wawangunan punika yogya wangdéyang.

5. Wawangunan jroning pomahan, hugi nganutin Tri-mañdhala; utama mañdhala, sanggar panguluning karang; madhya mañdhala, pagénahan mapumahan; niṣṭa mañdhala, ngaran lëbuh, jabayan.
6. Tan wënanng ngungkulang capcapan wawangunan ka jroning karang pomahan sawosan tani druwé. Yan wéntën mamurug, wéntën ngatëngahang ka désa, yogya prajuru désa nëgdëg, saha ñipat gantungin. Yan jati lintang sajroning sëlähé rahina saking puput babawosé mangda sampun kapaṣṭika.
7. Tan wënanng nganggén témbok umah wyadin témbok pañëngkër tani druwé. Wënanng ya kasambatsara antuk sang madruwé. Yan akas tur mamurug sang kasambatsara, yogya katëngahang ka désa, kabawosan antuk prajuru désa.
8. Sang sapisira ugi pacang mapawangun nëpi ring marggi agung, nëpi ring rurung désa, yogya mangda wéntën lëkita palugrahan saking prajuru désa, wyadin lëkita palugrahan sang amawa rāt. Yan tan polih lëkita palugrahan, ritatkāla wawangunan punika katundungan tan ngétang prabhéyan katundungan.
9. Sang sapisira hugi ngawëngku karang pomahan, yogya hurati myara kahaśriyan lëbuh pakaranganya, rurung pëntasan pinih sor asukat karangnya ngalajur.
10. Sang sapisira hugi pacang ngawangun hotél miwah sapanunggalan ipun ring wawidangan Désa Liligundi, patut mawanëng pinih sor satus dëpa saking pura-pura sané wéntën sajëroning désa, saha hugi mangda wéntën lëkita pasubaya kalih palugrahan saking Prajuru Désa Liligundi.

Palèt 4

Indik Wawalungan

Pawos 28

1. Sané kinucap wawalungan, sakañcan buron suku pat sané ñadya kapyara, sakadi: bawi, banténg, kambing, jaran, miwah sapanunggilan ipun; taler watëk makampid sané ñadya kapyara, sakadi ayam, itik, hangsa, dolong, miwah sababacakan ipun.
2. Sang sapa sira hugi krama désa sané myara wawalungan suku pat, sajaba hasu, tan wěnanng ngalubar. Sané patut matlusuk, mangda matlusuk. Sané tan patut matlusuk, mangda matëgul bawong. Sané patut maglogor, makandang, hugi mangda maglogor wyadin makandang. Mangda tan ngarucakin, ngalëtëhin palëmahan tani druwé, miwah mamayén krama désa jana pada. Yan hasu mangda mabélat, lwiré makalung bawong, maka cihna wéntën sané myara.
3. Sang sapa sira hugi krama désa, myara watëk suku kalih, watëk makampid, yatnain hugi, mangda tan bangët ngarucakin, ngalëtëhin, pomahan, tatanduran druwén anak sawos.
4. Tan wěnanng ngangonang, nëgulang, hingon-hingon, ubuh-ubuhan, ring palëmahan tan druwé, minakadi tan sasakapan druwé, yan tan kapisukayang. Sang madruwé palëmahan, prajuru désa, langlang désa, këlyang-këlyang asing mamanggihin, wěnanng ñambatsara sang madruwé wawalungan ika. Yan hakas sang kasambatsara, wawalungan ika wěnanng taban, prajuru désa yogya niwakang pamidañdha manut lokika, gung artha manut paswara.

5. Tan wĕnang ngangonang, nĕgulang ubuh-ubuhan, ring palĕmahan karang pura, kahyangan salwir ipun, minakadi sétra, rurung, papunduk, margi, tĕlajakan, palĕmahan sané kapingitang, karang suhung, miwah sabacakan ipun. Yan wĕntĕn mamurug, sang madruwé palĕmahan, langlang désa, kĕlyang banjar, prajuru désa sinalih tunggal, asing mamanggihin, wĕnang ñambatsara, saha naban wawalungan ika, katĕngahang ka désa, katiwakan daᅇdha gung artha manut paswara, saha mahayu yan wĕntĕn karusak, tur mrayascita palĕmahan ika sané ñandang prayascita, manut panglokika.
6. Yan wĕntĕn maubuh-ubuhan sajroning karang pomahan, hugi tlajan mratyakşayang kandang ipun mangda tan ngawĕtuwang bhaya, pañungkan. Talĕr mangda hapik, guritĕn, sikşa, mangda tan kantos ngalĕtĕhin, ngarobĕdin, cĕrobo karang pomahan wyadin palĕmahan pañandingé. Yan wĕntĕn mamurug, tan sikşa ring hingon-hingon miwah kandang ipun, wĕnang pañandingé ñambatsara, wĕnang katĕngahang ka désa, prajuru désa nĕpasin. Wĕnang katiwakan daᅇdha, manut panglokika kalih paswaran désa.
7. Sang sapisira hugi krama désa ngawangunang kandang wawalungan; buwat adol atuku, kandang ayam, itik, miwah sapanunggilan ipun, buwat naluhang, miwah adol atuku, dagingan satus ukud. Yan kandang wawalungan suku pat, dagingan adaşa hukud, sowang-sowang, ikā wĕnang jroning karang pomahan, yan lintangan ring punika daging kandangé tan wĕnang wangunang jroning karang pomahan, yogya kawangunang ring palĕmahan sané mawanĕng sa sor ipun satus dĕpa saking palĕmahan karang pomahan, sĕkolah, kantor, pura kahyangan, minakadi gĕnah sané kakĕkĕr wyadin kapingitang antuk Désa Pakraman Liligundi. Tur mangda

- madruwé lëkita palugrahan saking sang amawa bhumi.
8. Yan wéntën wawalungan ngarucakin, nga rug tatanduran, wë nang taban. Sang madruwé tatanduran ngatë ngahang ka désa pramangkin, kabawosan antuk prajuru désa, saha katiwakan dañdha manut lokika paswaran désa.
 9. Yan godél bantë ng, durung matlusuk; godél jaran utawi babë dag, kambing, miwah sabacakan ipun, durung hantës matë gul, tan wë nang taban, yan tan ngajak hinan ipun. Yogya salabarang ring sang madruwé.
 10. Yan bébék, dolong, hangsa, ayam, miwah sapanunggilan ipun, ngarucakin tatanduran, talër wë nang taban. Indiké naban, mangda masakši, saha kasupékşayang ka désa pramangkin, prajuru désa yogya mamawosin, niwakang pamidañdha manut panglokika.
 11. Yan wéntën wawalungan ngëlë b, mamë gat, ngarañjingin palëmahan pura, kahyangan, sétra, karang pomahan, miwah sané sawosan, lokikanën juga. Yan tan ñadya kalë bang, tan yogya taban, wë nang salabarang ring sang madruwé.
 12. Sang sapisira hugi krama Désa Liligundi, tan kalugra ñorongang babañon lalëtë h kandang wawalungan ka pakarangan tan druwe, jalingjing sané wéntën sajroning Désa Liligundi. Yan wéntën mamurug katiwakan dañdha antuk Désa gung artha manut lokika, saha paşwaran désa. Tur sajroning pitung rahina saking pamuput babawosé, salantur ipun tan kari sorong lalëtë h miwah babañon punika.
 13. Tan kalugra më dil, nulup, ñaring, minakadi salwiring pamargi pacang ngëjuk pakši ring wawë ngkon Désa Pakraman Liligundi, yan wéntën mamurug katiwakan dañdha, gung artha manut pangarggan bë ras 50 kilogram kang sadiri.

14. Sang sapisira hugi ngarērēh ulam ring tukadé, ring tēlabahé, ring jalingjingé, miwah sahunggwan ulam sajroning Désa Pakraman Liligundi, tan wēnang nganggén tuba miwah listrik salwir ipun, tan wēnang ngarusak hēmpēlan, nguwukang tamuku, yan wéntēn mamurug katiwakan daṅdha gung artha manut lokika saha paśwaran désa, tur mahayu sané karusakang.
15. Agung alit dadaṅdhan punika kahungguhang sajēroning paśwaran Désa Liligundi, nanghing lokika juga wiśéša.
16. Sakañcan dadaṅdhan, dadošan sané mungguh ring hajēng, sami mantuk ka Désa Pakraman Liligundi.

PANCAMA SARGGAH
SUKRĒTA TATĀ AGAMA

Palēt 1

Indik Déwa Yajna

Kaping 1

Indik Kahyangan

Pawos 29

1. Pura Pusēh, Pura Dalēm miwah Prajapati, Pura Tēlaga, Pura Pēnataran, Pasucian Bhaṭāra miwah sané sawosan sané kadruwé antuk désa kahēmponin antuk désa, indik pangaci-aci manut kuna drēṣṭa gagaduhan kalih paswaran Désa Liligundi.
2. Pura-pura, kahyangan, sané sawosan ring sané kinucap ring hayun, papayon kalih pangaci-aci kahēmponin antuk krama pamakšan pura, sané ṅungsung Bhaṭāra ring Pura Kahyangan punika sowang-sowang.

3. Mungging béji, papayon kalih pangaci-acinnya kahemponin antuk krama Désa Liligundi.
4. Yan wéntën karęcėhan, wicara, sajroning pangempon pura, kahyangan, subak, minakadi sėkėa-sėkėa sinalih tunggal, wėnang katėngahang ka dėsá, prajuru dėsá mamawosin, ñahsahang, nėpasin wicarané, mangda kasiddhan mawali landuh jatimula.
5. Tan wėnang nguwah-nguwuhin wawilangan palinggih bhatāra, sané wéntën ring pura kahyangan sowang-sowang, mangda kantun manggėh kadi kuna.
6. Yan wéntën Pura Kahyangan sinalih tunggal, rėñėng pangaci-acinya kantos kadaśawaršan, yogya prajuru dėsá mamawosin, maritėtės, ngutsahayang mangda kasiddhan mawali kadi jatimula. Nānghing pradé tan kasiddhan, majalaran antuk pamutus paruman dėsá, prasiddha Dėsá ngawangunang pangupacara mraliņa pura punika, mangda tan karañjingan kaumahin antuk Ki Bhuta Kubañdha.

Kaping 2

Indik Pangaci-aci

Pawos 30

1. Indik pangaci-aci ring pura-pura kahyangan sané wéntën sajroning wawėngkon Désa Pakraman Liligundi, kahamongin antuk krama dėsá, manut hėmponan wyadin pamakšan sowang-sowang, sajaba sané kahempon antuk krama dėsá sami. Sowang-sowang pura madruwé gagaduhan, pinaka hugėr pangaci-aci, miwah babantěn.

2. Sané yogya muput haci-aci ring Pura Kahyangan sané kadruwé antuk Désa Pakraman Liligundi, Ida sang maangga sulinggih sané katuhur antuk krama sowang-sowang, minakadi Pamangku Pura ring pura hinucap manut kawēnangan pamangku.
3. Yan wéntēn sinalih tunggal pura durung madruwé Pamangku, utawi Pamangkuné kapyalang, dados nuhur sinalih tunggil pamangku Kahyangan désa, pradé talēr tan mrēsidayang patut nuhur Ida sang maangga sulinggih sané kabriyukin antuk krama désa.
4. *Pamangku désa*, punika wantah pamangku Pura Pusēh, Pura Dalēm, pura-pura sané kahēmpon antuk désa sané wéntēn sajroning Désa Pakraman Liligundi kalugra ngantēb bantēn pangodal minakadi sané sawosan ring pura-pura pakraman Liligundi sané mamuatang, talēr manut kawēnangan Pamangku.
5. Ri tatkāla désa ngawangun kāryya Tabuh Gēntuh, Bhaṭāra turun kabéh, *minakadi kāryya agung sawosan*, Désa wēnang ñarad pamangku-pamangku kayangan sakatahé, pacang ngarombo Pamangku Désa.

Pawos 31

1. Indik pangaci-aci Pura Pamrajan, Pahibon, Dadya, punika kahamongin antuk krama désa sajroning sēkēa dadya, pamrajan, mānūt sima drēṣṭanya sowang, tan singsal ring ucaping sāstra Agama Hindu.
2. Pura-pura pañungsungan désa, sajaba Kahyangan Désa kahēmpon antuk pamakṣannya sowang-sowang.

Pawos 32

1. Béji punika kahaci-acinin antuk krama désa. Dina pangodal kalih babantèn, manut drěšta kuna.
2. Yan wéntèn sinalih tunggal béji tan kahaci-acinin, toyan ipun tan yogya anggén sadhāna makāryya sarwwa suci.

Pawos 33

Aci-aci, piodalan, usabha, pasěgěh ring Kahyangan, lwiré:

1. Pura Pusěh rikala rahina Purṇama śāsih karo.
2. Pura Dalēm miwah Prajapati rikala Kajěng pananggal gasal, śāsih Jyěšta.
3. Ring bañjar rikāla rahina Buda Kliwon Ugu.
4. Pura Tělaga, Pasucian Bhaṭāra, Pucak Mañik, Béji Désa ring rahina śāsih Kadaśa ngalantur mapraṇi, béñjangné ngamargiang Ńěpi Désa.
5. Pura Pěnataran rikāla rahina Purṇama śāsih Kalima.
6. Ritatkāla jagi odalan agěng, sadurung Ida Bhaṭāra katuran piodalan ida kahiring masucian ka sāgara ngalih warša.
7. Ritatkāla Bhaṭāra jagi masiněb, Bhaṭāra kabéh kahiring mahiyang-hiyang, ngararis katurin ka Pura Pěnataran, měndak Bhaṭāra Tirtha, raris ring Pěnataran ngantukang Bhaṭāra Tirtha, sasāmpun puput ngantukang Bhaṭāra Tirta, Bhaṭāra Turun Kabéh mawali mantuk ka Kahyangan sowang-sowang.
8. Ritatkāla aci-aci piodalan ring Pura Tělaga kawéntěnan tabuh rah tigang sěhět ayam sahungan asěhět, janggaran asěhět, mapél asěhět, sabulu-bulu, tan matohan maruntutan satak kéténg jinah bolong.

Pawos 34

1. Aci-aci kasanggra antuk krama désa, krama pura utawi pamakşan pura sowang-sowang.
2. Luwiring babantĕn minakadi hééd upacara, manut gagaduhan drĕşta kuna sowang-sowang pura.
3. Padagingan pacang aci-aci:
 - ha. Hupon-upon palabha pura, tanah druwĕn Désa Pakraman Liligundi;
 - na. Piturunan utawi wawijilan krama désa;
 - ca. Pioliĥ-oliĥ pagunakayan krama désa;
 - ra. Haturan-haturan sangkaning krama suka nirmala;
 - ka. Mungging aci-aci matabuh gĕntuh, prabĕya punika saking tanah patĕgalan, bangkĕt sanĕ wĕntĕn sajroning wawĕngkon Désa Pakraman Liligundi, akĕĥ ipun manut pararĕm.
4. Pasĕgĕĥ tunggal Kajĕng Kliwon, Purĕama, Tilĕm, kasanggra antuk pamangku sowang-sowang. Padagingan saking druwĕ pura, pamakşan kahantĕbang antuk pamangku sowang-sowang.
5. Sanĕ kalugra muput salwiring aci-aci ring pura pañungsungan Désa Pakraman Liligundi wantah Ida sang maangga sulinggih sanĕ katuhur antuk désa;
6. Rikāla kabrĕbĕhan jagatĕ, kagĕringan, katibĕn pañca bhaya, pinganan tan mrasiddhayang ngaturang aci kadi patutĕ, yogya prajuru désa miwah pamangku, ngaturang piuning ring bhaĕāra, masadhana babantĕn padhatĕngan, pacanangan, makacihna tan pĕgat aci-acinĕ. Ri wus mawali dĕgdĕg jagatĕ, patut ngawangunang upacara Bhaĕāra Turun Kabĕĥ, masasirih, makakobok ka sāgara giri.

7. Yan rikāla mamahayu, ngayum papayon, ring pura-pura kahyangan, pinganan tan puput kala dinaning piodhalan, pangaciné wĕnang rangkadang, nanghing padhatĕngan, pacanangan, tan dados pĕgatang. Ri wus puput masasapuh salwiré, malih mawali kadi kuna.

Kaping 3

Indik Pamangku

Pawos 35

1. Pidabdab ngadĕgang pamangku !wiré:
 - ha. Ngambil saking sasĕrod santana wyadin katurunan;
 - na. Saking pamuwus sasĕmburan, wyadin ñjañjan kantos ping tiga;
 - ca. Sangkaning kajujuh saha kabriyukin antuk krama Désa Pakraman Liligundi.
2. Sané tan wĕnang kaadĕgang pamangku:
 - ha. Cédangga !wiré: pécéng, pérot, cungih lan sapanunggilan ipun;
 - na. Mabukti sungkan;
 - ca. Mabukti nahĕn malakṣaṇa corah.
3. Sang sapisira hugi pinaka jan banggul, pamangku ring Pusĕh Liligundi, minakadi ring Pura Kahyangan sajroning Désa Pakraman Liligundi, mangda pagĕh ngamĕl kalih ngalakṣaṇayang śāsanan Pamangku.
4. Sang sapisira hugi krama désa, sangkaning sasĕrod, sangkaning kasĕnĕngan antuk Bhaṭāra polih pamuwus ring sasĕmburan, minakadi kajujuh kabriyukin antuk krama désa, pacang kaanggĕn pamangku, yan kari alaki rabi yogya lanang istri mawintĕn.

5. Sang kasudi pacang kangḡén Pamangku, patut mawintĕn ring Pura ḡenahé dados pamangku, mungḡwing prabhéya kasandangin antuk pamakṣan pura sowang-sowang, yan ring Dalĕm antuk krama Dalĕm, yan ring désa antuk krama désané sami.
6. Pamangku patut madruwé hamongan pura sowang-sowang, yan tan madruwé hamongan pura, prasiddha tan kalugra ngantĕbang babantĕn ring pura-pura salwiré.
7. Sinalih tunggal Pamangku yan katĕkan pati, yogya tiniwakĕn. Patut polih patulung prabhéya atitiwa, saking krama Pura sané kahamongin. Yan wus tiniwakĕn, patut kakaryyanang pangĕlad wyadin papĕgatan antuk krama pura hinucap sapuputa. Punika yan pamangkuné kari rajĕḡ ngamong swadharmmaning pamangku kantos hantaka.
8. Twas-twasan Pamangku, mungḡuh jroning gagaduhan paswaran désa, pura sowang-sowang, talĕr nganutin drĕṣṭa kuna.
9. Pamangku kagĕntosin majalaran antuk :
 - ha. Séda;
 - na. Mapinunas mararyyan, saking patut pinunasé, nānging tan kari ngalakṣaṇayang dharmmaning Pamangku. Kawĕkas kalaning séda tan polih patulung prabhéya atitiwa;
 - ca. Saking patut pinunasé, majalaran antuk lingsir, sampun tan mampuh, sungkan rahat tan kéngin waras, kajadayang antuk krama pura, wyadin désa. Kawĕkas kalaning séda patut polih patulung prabhéya patatiwan;
 - ra. Sangkaning kahusanang. majalaran antuk lakṣaṇa mamurug śāsanān Pamangku. Kawĕkas kālaning séda tan polih patulung prabhéya atitiwa.

Kaping 4

Indik Sukrĕttan Pura Kahyangan

Pawos 36

1. Rikālaning maturan hamung pamangku ring kahyangan punika sané dados munggah tedun ring palinggih-palinggih pura kayangan inucap, minakadi sang sāmpun polih lugraha saking prajuru désa. Yan wéntĕn mamurug katiwakan daᅇdha mrayascita palinggih punika.
2. Pamangku sané patut ngantĕbang babantĕn ring pura, wantah Pamangku sané kadruwé antuk Pura punika. Yan néntĕn wéntĕn pamangku ring pura punika utawi kapyalang dados ñarad pamangku sawosan, saking palugrahan Prajuru Désa.
3. Tan kalugra masumpah, macoran sajroning pura kahyangan sinalih tunggil, sajaba sangkaning wicaran pura hinucap, talĕr saking pabuwat krama désa, pamakᅇan pura, utawi pabuat krama désa sané ngĕmpon pura punika.
4. Tan kalugra wak capala, hasta capala, pāda capala, miwah sapanunggilan ipun, sajroning pura kahyangan. Yan macihna wéntĕn mamurug, wéntĕn raris ngatĕngahang ka désa yogya tiniwakan daᅇdha manut pangargan bĕras adaᅇa kilogram, saha pamarisuddhan kahyangan.
5. Tan kalugra malakᅇaᅇa kantos ngawĕtuwang byota ring pura kahyangan. Yan wéntĕn mamurug, kantos maywadi ring pura, yogya tiniwakan daᅇdha gung artha manut pangargan bĕras adaᅇa kilogram kang sadiri saha marisuddha kahyangan punika.
6. Sang sapaᅇira ugi kacuntakan, salwiring cuntaka, yan durung mabrĕsil, tan kalugra ngaraᅇjing ka Pura Kahyangan. Yan katĕngĕr wéntĕn mamurug, yogya tiniwakan daᅇdha marisuddha kahyangan punika.

7. Sédahan héngéngan miwah sapanunggilan ipun tan kalugra maséha ring Pura Kahyangan sinalih tunggal, sajaba ñañjan pamangku. Yan wéntèn mamurug, yoga daᅇdha gung artha manut paswara, saha ngawangdéyang maséha.
8. Tan kalugra ngawénténg kablécan, jajudén, sajroning Désa Pakraman Liligundi. Yan wéntèn mamurug, sang ngalakᅇanayang katur ring sang amawa rāt, tur kablécan jajudén punika kawangdéyang. Sajaba tabuh rah tigang séhèt.
9. Tan kalugra makta salwiring sané kasinanggah tan suci ka jroning Pura Kahyangan. Yan wéntèn mamurug, yoga sang mamurug marisuddha pura ika.
10. Sang sapisira ugi rikalaning makémit ring Pura Kahyangan, yan méréh, tan kalugra madukan lanang istri, sajaba anak sané kapinéh kari alit, durung rumaja putra. Yan mamurug kéni daᅇdha manut pangargan beras adasa kilogram kang sadiri, tur mrayascita pura punika.
11. Pangémong sowang-sowang Pura Kahyangan sawawéngkoning Désa Pakraman Liligundi, kalugra madruwé sukréta ndiri-ndiri, nanging tan dados singsal ring Pasukrétan Désa Pakraman Liligundi.
12. Pura kahyangan tan wéngang anggén sajaba ngalakᅇanayang upacāra āgama Hindu. Yan wéntèn mabukti mamurug sang malakᅇana kawangdéyang, tur pakardinya kapucéh, saha sang ngalugrain kadaᅇdha manut pangargan beras adasa kilogram, mawéwéh ngawénténg upacara pañangaskara pabrésihan.
13. Yan wéntèn macihna anak wyadin sang sapisira hugi, katédunan utawi kapangluh sajroning pura kahyangan sawawéngkoning Désa Pakraman

Liligundi, mababawos minangkĕnang pangandikan Ida Ratu Susuhunan utawi Bhaṭāra, ring gĕlis tunasang tirtha laluputan mangda gĕlis hudĕp. Pradé sasāmpun kakĕtisin tirtha, kantun ngatémĕl maséra-maséro, ngawĕtuwang sumandéya kayun kramané, irika patut pintonin, ambilang toya apané, cĕlēbang limanñané makakalih. Yan mabukti tan bĕlus, ñandang gĕga pangandikan Bhaṭāra. Yan padé bĕlus, tan ñandang gĕga, gĕlisang gingsirang gĕnahang mangda doh saking pura punika.

Kaping 5

Indik Cuntaka, miwah Sosot

Pawos 37

1. Sang sapisira hugi krama désa sané kahanan cuntaka, tan wĕnang ngarañjing ka Pura Kahyangan, ka pañuciyān kāla ning ñuci gĕning, minakadi gĕnah salwiring gĕnah sané kinucap suci pingit. Tan wĕnang ngaryyanin saji salwiring saji sané pacang katur ka Sanggar Tawang, sakadi suci gĕning, minakadi bantĕn salwir ipun sané jaga katur ka pura, miwah sané katur ring pitra pindha. Sajawaning bantĕn sané pacang katur ka Prajapati, Dalĕm panguluning sétra, dados karyyanin ring umah sang cuntaka kālaning mangupakāra śawa.
2. Lwir sané kinucap cuntaka :
 - ha. Anak istri kālaning ngraja-swala, suwĕn cuntakané, saking ngawit ngrajaswala, kantos ñiat, macihna sampun malukat;
 - na. Sang polih niñjo, ngarap śawa, ngamĕl saha ngarĕmbat saétĕh-étĕh upakāra pula-palining śawa, cuṅṅtaka adina, punah cuṅṅtakané macihṅayang antuk masiram malukat;

- ca. Yan sang mañjing mijil ring umah sang ngarakša śawa, sasuwén śawa wyadin layoné karakša, patěh cuntakané kadi sang ngarěpin śawa ikā, lěwih yan tunggil siddhikāra, patěh cuntakané kadi sang ngarěpin śawa ika;
- ra. Yan mañjing mijil ring umah sang ngarakša śawa, wyadin layon sangkaning aniñjo, punah cunṭakané sasāmpun masiram, malukat;
- ka. Yan sang polih ñěmbah śawa, mangan paridan śawa, punika talěr kabawos cuntaka, punah cuntakané sasāmpun husan masiram lan malukat.
4. Cuntaka sangkaning malakṣaṇa mamitra ngalang. Suwénné cuntaka, salaminé mamitra ngalang.
5. Anak wětu sangkaning smara dudu uthawi tan pawidhi widhana pawiwāhan, babiñjat punika talěr cuntaka. Suwénné cuntaka, salaminné durung wéntěn mēras, wyadin nuduk ngangkēnin pyanak, utawi nganggén dadaman.
6. Cuntaka sangkaning mabukti madruwé pañungkan sané tan siddha waras salaminé, kadi angganing hila, buduh, ngawijilang rěgěd saking silit, bhaga, purus, tan hěnap mamrēs, brung borok tahunan mabañěh, miwah salwir punika. Suwéné cuntaka, salaminé tan waras.
7. Cuntaka sangkaning cédangga sané kabakta saking wawu mbas saking garbhawaśaning ibu. Punika tan kawénang napak palēmahan pañucyan gěnah ñuci gěning.
8. Yan wéntěn sinalih tunggal krama désa durung tutug cuntaka kadi ucaping harěp, mamurug larangan, yan wéntěn ngatěngahang ka désa, prajuru désa niwakang pamidaṇḍha, yogya sang mamurug marisuddha sakabwatan manut panglokika.

9. Yan wéntěn sinalih tunggal anak istri, sangkaning tan mēhā ngrajaswala sasampun ring pura, wyadin ring gēnah larangané sawosan, raris kacirėnan, wėnang ya tiwakin daṇḍha tanmēhā, yogya marisuddha gēnah punika, katulung antuk pamakṣan pura wyadin pangėmongé sowang.
10. Ri kālaning krama désa tėdun makaryya, sang kacuntakan tan kėni ayahan. Yan mamėdėk hamung dados ring niṣṭa maṇḍhalaning pura. Yan mamurug wėnang kadanda mrayascita.
11. Yan wéntěn sinalih tunggal krama désa, kacuntakan antuk ngrakṣa śawa, wyadin layon, napkala pagilih pagantosan subak babañjaranya ngaci-aci ring sinalih tunggil kayangan désa, pacaruwan ring désa, sadurung tutug sėngkėr cuntakanya, wėnang tan tėdun māyahan, tan dinosan. Anghing yan wéntěn pasadok sang cuntaka ring Prajuru désa. Yan wus tutug cuntakané, patut narėgtėg yan kari ngalantur patėdunané. Mungwing piturunan, pawijilan daging salwir ipun, yogya katahur narėgtėg sasampun tutug sėngkėr punah cuntakané. Dados kahėtang pangargga.
12. Yan cuntaka gamya gamana, prajuru désa ṅantosang pamutus sang amawa rat. Yan sampun wéntěn pamutus saking sang amawa bhumi, ring désa katiwakan daṇḍa kadi ring sor puniki, lwirė: mangda mrayascita raga, gēnah malaksana, kahyangan désa, miwah désa pakraman. Pradé yan sang katiwakan pamidanda memandial, prasiddha désa sané mrayascita désa miwah kahyangan, sang mamandal kabawosan ring désa, kicchėn pamutus antuk prajuru désa, manut pamutus pararėm désa.
13. Cuntaka sangkaning mabukti salah timpal, cuntaka ragan sang malakṣaṇa, mwah désa pagėnahanya, tutug cuntakanya yan sampun sang malakṣaṇa mrayascita paṅgaskāra raga, gēnah malakṣaṇa, désa mrayascita désa.

Buron sané kaajak matĕmu smara kapadĕmang, bangkĕn ipun katanĕm.

14. Anak luh bĕling tan kapariangkĕn, suwĕnnĕ cuntaka kantos sasĕmpun wĕntĕn upacĕra bĕyakawon saha kĕni pamidaᅇda manut pangargan bĕras 50 kilogram.
15. Yan wĕntĕn anak macihna ñolong smara, cuntaka patĕh ring cuntakan gamia gamana.

Pawos 38

1. Indik Sosot :

- ha. Yan wĕntĕn sinalih tunggal pacang nahur sosot wyadin punagi, salwiring punagi, gumanti sané patut ngangĕn pamĕgat sot, tan dados nahur sot yan tan kĕlaning dina piodalan Bhaᅇara. Ngadaᅇa dinayang aci-aci, sang pacang nahur punagi patut sampun masadok ring Kĕlyang Pamakᅇan Pura, yan ring Kahyangan Dĕsa panahuranĕ masadok ring Prajuru Dĕsa. Panahuran punagi ika, kapuput antuk Ida sang maangga sulinggih sasampun putus bantĕn pangodalĕ.
- na. Yan wĕntĕn sinalih tunggal nahur sasangi pacang ngaturang pangodal hugi mangda ring dina pagantosan piodalane. Sang nahur punagi, wĕnang nunas kanti patulung karyya ring pamakᅇan. Sang nahur sasangi ñukᅇrahang daging cumĕk saprabhĕyaning pangodal ring pamakᅇan pura.
- ca. Yan wĕntĕn sinalih tunggal nahur sasangi maturan swaran tangguran salwiring tatabuhan, sasolahan, minakadi salwir ipun, munggwing prabhĕya punika sami kaangganin antuk sang masasangi.

2. **Haturan :**

Yan wéntën sang sapisira hugi ngaturang jinah, mwan sarupaning barang, punika sami patut kahunadikayang antuk Prajuru Désa, Kélyang Pamakšan Pura sowang-sowang, mangda kasiddhan mapwara hayu. Haturan punika kaungguhang sajroning lëkita.

3. **Sasarin Canang :**

Sasampun puput pangaci-aci pūja waliné, sasarin canang punika kapupulang saha kawilangin. Kahunadikayang antuk Prajuru Désa, Kélyang Pura, indik tatiwak kalih pamarggin ipun, sangkaning jati nirmala.

Palët 2

Indik Rëši Yajna

Pawos 39

1. Krama Désa Liligundi, yogya ngawrëdiyang kaprajñanan, kaultaman Sang Hyang Aji, aséwaka nunas pawarah ring sang maraga widagdha prajñan, pingajëng ring sang kasinanggah guru loka.
2. Prajuru Désa, kélyang Bañjar, ngutsahayang kawrëdiyan kamuruban kaultaman Sanghyang Aji, ngawéntënanng pasamuhan-pasamuhan, parëmbugan, pinaka gënah krama désa mamungguhang pawarah-warah hayu.
3. Kālaning diwasa hayu, wënanng désa atirtha yatra, wënanng désa ngaturang punya miwah rëši bhojana ring Ida sang maangga sulinggih. Talër kālaning karyya utama ring désa, salwiring kārnyya sané kaputus antuk ida sang maangga sulinggih patut ngaturang punya. Asapunika talër ring sang mapitulung patut ma-wéh dana.

4. Sang sapisira hugi krama Désa Liligundi yan mapakayun pacang matēlah-tēlah, mawintēn, mapodgala, talēr mangda wēntēn pasadok ring prajuru désa, sajaba patut polih palugrahan saking Guru Wisésa.
5. Prajuru Désa Liligundi, mamatut pisan, yan krama désané mapunya ring sang prajñan, ring sang widagdha, ring sang satata ngarajĕgang dharmma, pingajĕng ring Ida sang maangga sulinggih pasūryyan ñané sowang-sowang.

Palēt 3

Indik Pitra Yajna

Pawos 40

1. Pamarggi ngupakāra śawa, hugi manut linging śāstra Agama Hindu.
Wēntēn akudang-kudang soroh, sakadi hinucap ring sor puniki:
ha. Mapēndēm ring prathiwi;
na. Makingsan ring ghni;
ca. Atiwa-tiwa, utawi palēbon, utawi ngabén;
ra. Yan raré durung makupak huntu wus kēpus odēl hantaka, wēnang nganggé pangēntas bangbang masadhana klungah klapa gading, ngaran ngalungah, tan wēnang tiniwākēn;
ka. Yan raré durung kēpus hodēl, pamali ngaran, pēndhēm juga tan hana pangupakāranya kēwala gantēn utawi adēm paicchan Ida sulinggih.
2. Sang sapisira hugi krama Désa Liligundi, tan kawaśa makta śawa ka désa pakraman, yan śawa ika sampun kēni pangupakāra śawa. Yan wēntēn mamurug, yogya katiwakan danḍha, mrayaścita marisuddha désa.

3. Salwiring upacāra atiwa-tiwa, palēbon, ngabén, ring sétra ugi kawēnanganya, tan wēnang ring désa pakraman, sajaba malēbonang puşpan ida sulinggih. Yan wéntēn mamurug, wēnang daᅇdha marisuddha désa. Krama désa sang atatulung, daᅇdha artha manut pangargan bēras 50 kilogram kang sadiri.
4. Yan wéntēn krama désa ngurung śawa, macamaᅇa, mabrēsih, kawēnanganya, tan kalugra lintangan ring pētang daśa kalih dina ngawit saking dina sédané. Yogya mūrᅇnana, tilēm miwah salwir upacara rarahinan. Yan kālaning angurung śawa, sajroning Désa Pakraman Liligundi kawangunang karya agung kantos ᅇuci gēning, lwiré matabuh gēntuh, Bhaᅇāra turun kabēh, karya agung ring Basakih, yogya tumpang saluné tēdunang saking baléné, gēnahang ring natah umahé, saking bhaᅇāra kodhal kantos ida masinēb.
5. Tan wēnang ᅇēkēh śawa yan tan macamana, mabrēsih, lintangan ring roras dina, ngawit saking dinané séda. Yan wéntēn mamurug, daᅇdha gung artha manut pangargan bēras 50 kilogram saha mrayaścita désa.
6. Yéning ngrakᅇa śawa utawi layon lintangan ring kalih rahina, layon punika patut katuréᅇsain mangda nēntēn maambu kawon.
7. Sang sapaşira hugi tan wēnang nginēpang minakadi ngawangdéyang bangbang ring sétra Pakraman Liligundi, yan wéntēn mamurug kadaᅇdha manut pangargan bēras 100 kilogram, bangᅇang inucap patut kahurug saha mawēwēh paᅇangaskāra.
8. Sang sapaşira hugi krama Désa Liligundi tan wēnang atitiwa, ri kāla pangaci-acin désa, lwiré: Patīrᅇān, patotoyan ring Pura Kahyangan Désa,

- Bhaṭāra Turun Kabéh, Tabuh Gëntuh, makadi karyya agung sawosan. Yan wéntën mamurug, daṇḍha mrayascita désa, minakadi krama désa sané matulung daṇḍha gung artha manut pangargan bēras adasa kilogram kang sadiri.
9. Yan makingsan ring ghni, śawa ginēsēng, hasti hinañut, manut krama. Yogya nganggé tirtha paběrsihan. Munggwing déwaśa, sa sor ipun déwasané dados marginin mēndhēm śawa.
10. Yan wéntën krama désa mēndhēm śawa kālaning dina larangan kawaśa, nānghing hugi masawén durung masusunin bintak, laku kingsan ngaran.
11. Indik padéwaśan :
- ha. Padéwaśan mēndhēm ring prathiwi, makingsan ring ghni, wēnang katiwakang antuk Kělyang Désa wyadin Pamangku Dalēm manut pasobhaya;
- na. Padéwaśan atiwā-tiwa, katiwakang antuk Ida sang mangga sulinggih sané pacang muput, yogya sampun kapatut antuk Praiuru Désa;
- ca. Indik larangan ngupakāra śawa, sajaba ngunggahang ka tumpang salu, sané kamanggēhang sajroning Désa Pakraman Liligundi, Iwiré: Buda Wagé, Śaniścara Kliwon, Anggara Kliwon, Radité ^{Pahing} ~~Umanis~~, Śukra Pwon, Śaniścara Wagé, Radité ~~Kaliwon~~, ikā sēmut sadulur. Śukra Kaliwon, Śaniścara Umanis, Radité Pahing, ikā kāla gotongan. Yan ring dora, mwah ring tanggal panglong, ping, 15, tanggal panglong, ping, 14, mwah tanggal panglong, 1. Wrēhaspati, nuju tanggal, panglong, ping. 1, 8. Yan ring Wrēhaspati ingkēl Wong. Yan wéntën sinalih tunggal mamurug, wēnang daṇḍha gung artha manut pangargan bēras 50 kilogram saha mrayascita désa;

- ra. Tan wěnanḡ ngagah ngulung, tēḡēs ipun, sajroning sétra tunggil, tan dados mrēsihin śawa, nuju dina pangutangan yan ring sétra punika wéntěn ngalakṣanayang pangabénan. Yan wéntěn mamurug daṅdha gung artha manut pangargan bėras 50 kilogram, saha mrayascita sétra;
- ka. Tan wěnanḡ ngutang ngirim, tēḡēs ipun, sajroning sétra tunggil, yan wéntěn ngirim, tan dados sané sawosan mēṅdhēm śawa, minakadi atiwā-tiwa, ngabén, ring dina punika. Yan wéntěn mamurug, yogya daṅdha, gung artha manut pangargan bėras 50 kilogram saha mrayascitta sétra;
- da. Yan wéntěn mēṅdhēm śawa langkungan ring asiki sajroning sétra Liligundi sasāmpun puput mahurug sané pangawit sané sawosan wawu dados mamargi ka sétra.
12. Krama Liligundi ring dūra désa sané magēnah ring wawidangan Désa Pakraman Komala, sané maayah-ayah matata turun cumėk, makrama désa ring Désa Komala, sané kari nganggén sétra, minakadi Dalēm ring Liligundi, patut ngaturang panahub ka Désa Liligundi ngamaṣa-maṣa gung artha manut pamutus-pararēm désa.
13. Yan wéntěn śawa tan kaparihangkěn ring wawěngkon Désa Pakraman Liligundi, ingaranan, bėdagan désa, yogya Prajuru Désa nguduhang krama désa mēṅdhēm ring sétra pangilang-ilangan, sasāmpun polih lugraha saking sang amawa rat. Kicchén bubuk pirata saking désa.
14. Yan śawa sangkaning salah pati, angulah pati, mati kapangawan, minakadi salwir ipun, désa tan ngalarangin, yan śawa punika tiniwākěn pramangkin. Sara lédang sang madruwé, minakadi Ida sang maangga sulinggih sané pacang muput.

15. Yan wéntěn sinalih tunggal sawa, gěnahé séda wyadin paděm, sajabaning karang pomahan, lwiré: ring tégat, pura, pasar, bañjar, sěkolah, minakadi gěnah sawosan dudu karang pomahan, yogya sang madruwé wirangé mrayaścita marisuddha gěnah punika. Yan sawa tan kaparihangkěnan, gěnah punika patut kaparisuddha kaprayaścita antuk sang maduwé hěmponan.

Pawos 41

Indik angatma wédana.

1. Sang sapisira hugi krama Désa Liligundi, yan kălaning angatma wédhana, lwiré: ngaroras, patilěman, baligya, tan wěnanng ngawangunang payajñan, pétak, ring palěmahan Pura Kahyangan Désa, minakadi kahyangan sawosan.
2. Sang sapisira hugi wus ngawangun karyya angatma wédhana, yogya karang payajñan ika kapraliņa, sakasép ipun pětang daśa kalih dina saking dina kăryyané.

Palět 6

Indik Manuša Yajna

Pawos 42

1. Sang sapisira hugi krama Désa Liligundi, ngawangunang salwiring upacāra mānuša yajña, tan wěnanng magěnah ring wawidangan palěmahan kahyangan pañiwyān désa. Yan wéntěn sinalih tunggal mamurug, wěnanng daņdha gung artha manut pangargan bėras 10 kilogram, saha mrayaścitta marisuddha pura punikā.

2. Sané kalugra mawintĕn magĕnah ring pura sinalih tunggal, sang sapisira hugi krama désa sané pacang kahadĕgang dados pamangku Pura Kahyangan hinucap. Talĕr sané kahadĕgang pinaka prajuru désa, wĕnang mawintĕn, majaya-jaya ring pura Pusĕh Liligundi.
3. Indik manusa yajña sané dados kamargiyang sajroning Désa Pakraman Liligundi hugi sané nganutin drĕṣṭa kuna minakadi sāstra āgama.

Palĕt 5

Indik Bhuta Yajna

Pawos 43

1. Sajroning Désa Pakraman Liligundi, pacaruwan manut unggwan, kālih sor singgih, lwiré :
 - ha. Pacarun Désa sané kawangunang sadākāla :
 - na. Pacarun Désa padgatakāla: ri kāla jagaté kabrĕbĕhan, kagringan, kadurmanggalan, katibĕn pañca-bhaya, miwah sané sawosan sané patut caronin.
 - ca. Agung alit caru, manut unggwan acarū, babwatan pacarwan, kalih niṣṭa madhya uttamaning caru.
2. Pacaruwan ring Pura-pura Kahyangan, Dadya salwiré, manut drĕṣṭan pura soang-sowang minakadi awig-awig gagadhuhan pura inucap.
3. Yan wĕntĕn sinalih tunggal Pura Kahyangan, salwiré rĕnĕng pacaruné kantos tigung plabuh, wĕnang prajuru désa mamawosin. Yan wus puput babawosé, yogya maguru piduka, ngawit masasapuh mangda kasiddhan ngaturang pangaci-aci.

4. Pacaron kālaning Tilēm Kasanga, ring désa, bañjar minakadi karang sowang-sowang manut śāstra drēṣṭa, kalanturang antuk brata pañēpyan.
5. Rikalaning ngalakṣaṇayang brata pañēpian, krama ngamargiang ring jro sowang-sowang, pradé wéntēn kapañcabhaya utawi kabuatan patut digēlis matur supékṣa ring prajuru désa utawi langlang désa.

SAT SARGGAH

SUKRĒTTA TATA PAWONGAN

Palēt 1

Indik Rangkat

Pawos 44

1. Indik rangkat punika, mānut Désa Kāla Patra, mwanṅ sima drēṣṭa, sané kapatutang tur katinūtin antuk krama désa sowang-sowang, tan singsal ring ugēr-ugēr panagara lwiré:
 - ha. Papadikan;
 - na. Marangkat utawi ngarorod;
 - ca. Ngunggahin;
 - ra. Narimén utawi katriménan.
2. Pidabdab sang marangkat patut:
 - ha. Manut kēcaping āgama Hindu;
 - na. Nganutin yuṣa sakirangnya risāmpun macihna mungguh dēha truṇa, néntēn singsal ring ugēr-ugēr nāgara;
 - ca. Pradé pacang ngarangkatang sios āgama patut ngamargiang upacāra sudhi wadhani sasāmpun wéntēn lēkita saking sang amawa rāt.

3. Sajroning Désa Pakraman Liligundi, indik rangkat punika yan sampun mawidhi widhana pawiwāhan, saništanya mabyakawon tur malukat kasakšinin antuk tri upasakši, manuša sakši, bhuta sakši miwah déwa sakši, sajroning tigang rahina, rangkat punika kasinanggih puput palikrama.
4. Yan wéntën anak istri krama Désa Pakraman Liligundi, karangkatang antuk sang sapisira hugi, lwih antuk anak saking dūra désa, yan kantos arahina ring awengi saking dina matinggalé saking jumah tan wéntën pasadok, pajati, yogya sang maduwé wirangé nunas kanti ring prajuru Désa Liligundi mangda ngamargiyang sasērëpan. Yan sampun sinah gënahnya, ngararis ngamarggiang panëgdëg.
5. Sang sapisira hugi krama Désa Liligundi, yan karawuhan tamyu praya masinutan malarapan antuk ngarorod, hugi mangda masadok mihuningang ring Prajuru Désa, Prajuru désa yogya maritëtës, yan sangkaning tan patut pamarggin rangkatnya, prajuru désa nguduhang mangda katur ring sang amawa rāt. Yan wéntën krama désa mamurug, yogya sang mamurug daᅇdha gung artha manut pangarggan bëras 50 kilogram.

Pawos 45

1. Pradé wéntën anak lanang mobotin anak istri sané sami-sami durung madruwé rabi, tur sabdha kapariangkën, prajuru patut ngutsahayang sang kalih majangkëpan, tur kaupacārayang sakadi patuté olih sang lanang.
2. Pradé sinalih tunggal tan tinut karangkatang kadaᅇdha gung artha manut pangarggan bëras 100 kilogram, saha wicaranya katur ring sang amawa rāt.

3. Yan sinalih tunggal sām̄pun madruwé rabi wicaranya katur ring sang amawa rāt olih wirangnya, pradé mamurug kadaᅇdha gung artha manut pangarggan bĕras 100 kilogram.
4. Yan wĕntĕn anak istri bobot nĕntĕn wĕntĕn ngangkĕnin patut:
 - ha. Sang kadalih mobotin tan mariangkĕn, miwah sang bobot madĕwa sakᅇi patut ngamargiang pamrayascitta ring wawidangan Dĕsa Pakraman Liligundi, mungwing prabĕya sami kaangganin antuk sang kalih;
 - na. Pradĕ wĕntĕn anak siosan ring sang kadalih mariangkĕn mobotin, wĕnang sang mariangkĕn punika sarĕng madĕwa sakᅇi tur sasām̄punĕ puput padĕwasakᅇinĕ sang bobot, sang kadalih miwah sang mariangkĕn sarĕng mobotin mrayascitta dĕsa, sasām̄pun punika bobotan anakĕ istri kaupacārayang maśraᅇa antuk kĕris;
 - ca. Pradĕ sang patut madĕwasakᅇi tan satinut ngamargiang padĕwasakᅇian, sang bobot utawi wirangnya patut ngaturang wicara punika ring sang amawa rāt, saha kadaᅇdha manut pangarggan bĕras 200 kilogram.
5. Yan wĕntĕn sinalih tunggal Krama Dĕsa Liligundi, ngamĕt anak istri antuk mlĕgandang, mamĕndĕt, marikoᅇa, miwah salwir ipun sanĕ tan nganutin tata krama, tan yogya pinuput pawidhi widhana pawiwāhanya sadurung wĕntĕn pamutus saking Guru Wiśĕᅇa.
6. Yan wĕntĕn sinalih tunggal saking dĕra dĕsa, pacang muput rangkat ka wawĕngkon Dĕsa Pakraman Liligundi, sang madruwé wirang luh yogya nunas pasakᅇi ring Prajuru Dĕsa Liligundi maśraᅇa antuk canang pangrawos, sinalih tunggal mangda wĕntĕn ngarawuhin.

7. Yan wéntěn anak istri saking Désa Liligundi marangkat ka dura désa ritatkāla mapuputan ñongkol ka umah wirangé istri patut ngaturang paněbas swaran kulkul ka Désa Pakraman Liligundi gung artha manut pangarggan bėras 25 kilogram.
8. Yan anak istri saking Désa Liligundi marangkat, ngarorod sarěng anak lanang wadésa Liligundi, ritatkāla pacang mapuputan ñongkol ka umah wirangé istri patut kěni paněbas swaran kulkul gung artha manut pangarggan bėras 10 kilogram.
9. Yan wéntěn sinalih tunggal krama Désa Liligundi, ngamét anak istri pinaka rabi tan manut sima drěṣṭa minakadi śāstra āgama, yoga katur ring sang amawa rāt mangda kabawosin saha polih pamutus.

Palět 2

Indik Bėlas Makurěn uthawi Ñapyan

Pawos 46

1. Sané kabawos ñapyan, pinaka sang palas marabi, palas makurėnan, mawiwit wicara macihna tan tumus suka citting panunggalan idhėp sang alaki rabi sané sāmpun katiwakan pamutus antuk Guru Wisėsa saha kadamyakang ring sangkėpan Désa Liligundi.
2. Tata cara palas marabi:
 - ha. Yan wéntěn krama désa mapikayun pacang palas marabyan patut matur supėkṣa ring prajuru désa, prajuru patut maritėtės, tur kaicchėn tatimbang mangda prasiddha satata hadung marabi;

- na. Sang sapasira hugi madruwé oka istri sām̄pun marabyan pradé mantuk sangkaning ngambul, sajroning tigang śasih utawi 105 dina patut matur supékṣa ring prajuru désa, olih prajuru désa wicaranya kabawosin, tur kicchén tatimbang mangda satata hadung malih;
- ca. Yan tatimbang prajuru désa tan katinutin, wicaranya dados kalanturang ring sang amawa rāt, pradé pamutus sang amawa rāt patēh kadi tatimbang prajuru désané, sang mawicara kadaṅdha manut pangarggan bĕras 25 kilogram.
3. Yan wéntĕn sinalih tunggal krama désa ngarangkatang sapyan, sadurung tigang śasih utawi 105 rahina saking dina palasé, yogya sang ngarangkatang sapyan punika kĕni daṅdha pakérang gung artha manut pangarggan bĕras 100 kilogram.
4. Krama désa sané bĕlas marabi utawi makurĕnan, sasām̄pun polih pamutus saking Guru Wiséṣa patut masadok miuningang ring kĕlyang bañjar, mangda kadamyakang ring bañjar ring désa, sakasép ipun aśasih saking palasé.
5. Yan wéntĕn anak istri wit saking wawĕnglon Désa Pakraman Liligundi, ñapyan ring dūra désa, mawali ka désanya, yogya sang madruwé wirang matur supékṣa ring prajuru désa, saha mrayaścitta marisuddha anaké luh punika. Yan tan kaparisuddha antuk wirangnya, patut marisudha raga, mangda kasinangah nirmmala.

Palèt 3

Indik Balu

Pawos 47

1. Sané bakawos balu, anak istri katinggal séda antuk rabiné, yan anak lanang séda rabiné, wyadin katinggal ñapyan, talër kawastanin balu.
2. Yan wéntèn lanang balu, ngawěngku karang, maduwé santana utawi oka istri sāmpun hantēs māyahan, yogya māyahan bulangkĕp.
3. Yan wéntèn anak istri balu ngawěngku karang madruwé santana utawi oka lanang sāmpun hantēs māyahan yogya māyahan bulangkĕp.
4. Yan wéntèn sinalih tunggal anak istri balu, marangkat, yogya rangkat punika kapuputang antuk wirang lakiné rihin, yan babalon punika kari pagĕh.
5. Munggwing wawĕnangan babalon luh utawi rangda, ring indik wawarisan, minakadi sané sawos-sawosan, iwiré:
 - ha. Myara lan muponin wawarisan sakantun pagĕh magĕnah ring rabiné;
 - na. Tan dados ngadol, ngadéang utawi makidihang wawarisan ring sang sapisira hugi, sadurung polih palugrahan saking waris kapuruṣa;
 - ca. Pradé balu sané pagĕh nganutin swadharmmanya, raris katundung olih waris rabiné, balu hinucap patut matur supékṣa ring prajuru, prajuru patut mamawosin, ngicchéń tatimbang, yan tatimbang prajuru tan katinutin sinalih tunggal dados ngalanturang wicaranya ring sang amawa rāt pradé pamutus sang amawa rāt patĕh ring tatimbang prajuru désa, sang ngaturang wicara ring sang amawa rāt kĕni daṅdha manut pangarggan bĕras 25 kilogram.

Palèt 4

Indik Santana

Pawos 48

1. Sajroning Désa Pakraman Liligundi, ngarajëgang pidabdab santana ka puruša siddhikara tunggal, papërasan tunggal dadya.
2. Pradé pawiwāhan tan ngawéntënanng santana, këngin ngëdih santana antuk upasakši sakala nişkāla sané kawaştanin santana papërasan.
3. Sang sapisira hugi krama désa, mëras santana, nuduk mantu kasinanggëh sām̄pun puput palikrama, yogya sangkaning radin, mawidhi widhana papërasan, kasakşinin antuk prajuru désa saha kasyarang ring paruman, tur sām̄pun wëntën lëkita pamikukuh saking sang amawa rāt.
4. Sané dados kapëras kaanggén santana kadi ring sor puniki:
 - ha. Anak sané māgama Hindu;
 - na. Papërnahan nēdunang saking waris kapuruša, tunggal dadia, tunggal siddhikara.
5. Indik mëras santana, nuduk mantu sasām̄pun puput upacāranya manut śāstra agama Hindu, kalanturang ngarërëh lëkita ring Guru Wiséşa.

Palèt 5

Indik Wawarisan

Pawos 49

1. Lwiré sané wënanng kawarisin :
 - ha. Hamong-amongan ring désa, ayah-ayahan sahurah-arih.
 - na. Hutang-pihutang sang kawarisin.
 - ca. Sarāja druwé, bhraṇa, tēgal, tatamyān, sakañcan kasugihan.

2. Sané wĕnang ngawarisin :
 - ha. Manūt lalintih paprĕnahan adoh tampĕk saking puruṣa tunggal siddhikara, tunggal dadya.
 - na. Putra dadaman wyadin putra papĕrasan.
 - ca. Mantu dadudukan, minakadi santana saking nuduk mantu.
 - ka. Sangkaning polih pitĕmĕs saking sang kawarisin sang madruwé salwir sané dados kawarisang, saking palugrahan Guru Wisésa, pinih akéh apahtigaan saking padruwéyanñané maka piolah-olah pagunakayan.
3. Sang sapaṣira hugi Krama Désa Liligundi, yan tilar saking Agama Hindu, tan yogya ngawaris sané kamulan patut warisin.
4. Ngĕdum wawarisan, kapatut sasāmpun puput maabĕnang sang ngawarisang braṇa kalih kasugihan punika. Sané dados dum, sajaba mānggé padagingan pangaci-aci, minakadi salwiring sané mānggé piranti ngalakṣanayang upacara agama, pustaka-pustaka sané kapingitang salwiripun.
5. Pahpahan wawarisan kadi ring sor:
 - ha. Sané lanang polih atĕgĕn;
 - na. Sané istri polih asuhun, hamung muṣonin kéwantĕn.
6. Pawaris kéngin mapawéwéh rikāla kantun mahurip ring oka sané pacang késah marabyan, marupa pitĕmĕs sané dados kawarisang pinih akéh apahtigayan saking padruwéyanñané maka piolah-olah pagunakaya.

SAPTAMA SARGGAH

WICARA LAN PAMIDANDHA

Palēt 1

Indik Wicara

Pawos 50

1. Salwiring wicāra indik pakraman, ring wawidangan Désa Pakraman Liligundi, wēnang rinawosan antuk prajuru désa. Yan tan kasiddhan puput, prajuru désa ngaturang ring Guru Wiśéṣa, buwat matatimbang.
2. Yan wéntēn wicara indik pakraman ring bañjar, pamakṣan, subak, minakadi sēkēa-sēkēa sawosan, yogya kabawosan antuk prajurunya sowang, yan tan kasiddhan puput, wēnang katēngahang ka désa, prajuru désa yogya mamawosin.
3. Indik nēpasin wicara hinucap, tan marēn ngupadi dharmma kawēlasaśihan, tur malarapan antuk, lēkita, bukti, sakṣi, saha tan marēn mangda nēpék ring sadaging awig-awig, paswara lan pamutus pararēm désa.
4. Yan pamutus wicara sané katiwakang antuk Prajuru Désa Liligundi tan katinutin utawi tan kahiring antuk sang mawicāra, wēnang sang mawicāra nunasang pangrawos ring sang patut mamawosin, ring Guru Wiśéṣa.
5. Yan sang mawicāra tan tinut ring pamutus wicara sané katiwakang hinucap ring hajēng, prasiddha sang mawicara tan kalugra nganggé sapadruwéyan Désa doṣané mamandal ring désa.

Palèt 2

Indik Pamidaᅇdha

Pawos 51

1. Lwiring pamidaᅇdha sané wēnang katiwakang antuk prajuru désa, baᅇjar pakraman, subak, sēkēa-sēkēa sawawēngkon Désa Pakraman Liligundi, sakadi ring sor puniki :
 - ha. Daᅇdha artha;
 - na. Upasakᅇi, déwa sakᅇi, pangrarata, sumpah;
 - ca. Daᅇdha panyangaskara, lwiré; mrayascita, marisuddha, miwah salwiripun;
 - ra. Kasēpékang saha kahēladang;
 - ka. Pamidaᅇdha sawosan manūt palugrahan Guru Wiśéᅇa.
2. Patiwak pamidaᅇdha, manut unggwan wicarané sowang-sowang, minakadi wērat ringan wicara hinucap, lwiré :
 - ha. Yan wicara ring désa pakraman, yoga kapidaᅇdha antuk désa. Mungwing dadaᅇdhan mantuk ka désa;
 - na. Yan wicara ring baᅇjar pakraman, yoga kapidaᅇdha ring baᅇjar ika, dadaᅇdhan mantuk ka Baᅇjar;
 - ca. Yan ring Subak, ring sēkēa-sēkēa, katiwakin pamidaᅇdha ring kuwu témpékanya sowang, mungwing dadaᅇdhan mantuk ka jroning kuwu témpékannya.
3. Agung alit dadaᅇdhan, manut panglokikan agung alit wērat ringan kasisipané sané mungwah ring awig-awig gagaduhan sowang, minakadi paswara pinaka pamutus pāruman.

**ASTAMA SARGGAH
NGUWAH-NGUWUHIN AWIG-AWIG**

Pawos 52

1. Sané wĕnang uwahin inggih punika, pasukrĕttan, pamutus pararĕm, wyadin pamutus pasamuhan miwah sané sawosan sapanunggilan ipun.
2. Sané wĕnang uwuhin inggih punika, pasukrĕtan, paswara, pamutus pararĕm wyadin pamutus pasamuhan miwah sané sawosan sapanunggilan ipun.
3. Indik nguwahin kalih nguwuhin pasukrĕtan, paswara, pamutus pararĕm wyadin pamutus pasamuhan miwah sané sawosan, manut tata kramaning pasamuhan.
4. Indik nguwahin kalih nguwuhin awig-awig, manut tata kramaning pasamuhan sasāmpun nunas tatimbang ring Guru Wisĕsa kalih polih palugrahan sang amawa bhumi.

**NAWAMA SARGGAH
PAMUPUT**

Pawos 53

1. Awig-awig puniki mawaṣṭa Awig-Awig Désa Pakraman Liligundi.
2. Awig-awig puniki pinaka bantang sahananing awig-awig, paswara, pasukrĕtan, miwah salwir ipun, sané mānggé ring bañjar pakraman, subak, sĕkĕa-sĕkĕa sané wĕntĕn sajroning Désa Pakraman Liligundi.
3. Bañjar, kahyangan, pamakṣan, subak, sĕkĕa-sĕkĕa sané wĕntĕn sajroning Désa Pakraman Liligundi, wĕnang ngawangunang Awig-awig, pasukrĕta, paswara, gagadhuan sowang-sowang, nānging daging ipun tan dados singsal tungkas ring Awig-awig Désa Pakraman Liligundi.

4. Salwiring sané durung munggah ring awig-awig sajroning paswara, pamutus paruman Désa Pakraman Li.
5. Drèṣṭa kuna sané kari dados anggé, yan tan tungkas ring dag. awig Désa Pakraman Liligundi, manut kojaring sāstra Agama Hindu, hana ring ugèr-ugèr nagara, saha kaputusan sajroning paruman Désa Pakraman Liligundi.
6. Awig - awig Désa Pakraman Liligundi, pawangun Krama Désa Pakraman Liligundi, kapaṣṭika manūt Upacāra Agama Hindu, kāla dina; Anggara, Pahing, Uku Bala, śasih, Karo, tanggal ping, 15, rah, 8, tēnggèk, 2, Isaka, 1928, magènah ring Pura Pusèh, kapuput antuk Ida Padaṇdha Gdé Wayan Pasurwan.
7. Awig-awig puniki kalinggatanganin antuk prajuru désa, Kèlyang Désa, Pamadén Kèlyang Désa, Panyarikan, Juru Rākṣa, Patangan Désa saha kasarèngin antuk Kèlyang bañjar pakraman, kasaksinin antuk Kèlyang Bañjar Dinas Liligundi, Pèrbèkèl Bèbandēm, Camat Bèbandēm, kakukuhang antuk Bupati Karangasèm.
8. Awig-awig puniki kalakṣaṇayang ngawit dina: A., Pa., uku Bala, Isaka 1928 kantos salantur ipun.
9. Luwir sang ngalinggatanganin :
ha. Kapratama: Prajuru Désa Pakraman Liligundi :


Kèlyang Désa,

I Komang Wéntèn

2. Pamaden Kèlyang Désa,

I Nèngah Danti


3. Pañarikan


I Komang Subrata

4. Juru Rākṣa,


I Wayan Yaśa

5. Pētangan,


I Wayan Darma

6. Kēlyang Bañjar Pakraman

Liligundi Kēlod,


I Gēdē Suwēla

7. Kēlyang Bañjar Pakraman

Liligundi Kalér,



I Wayan Yaśa

na. Maka Saksi :

Kēlyang Dinas Bañjar Liligundi,

I Komang Subakti

2. Pērbēkēl Dēsa Bēbandēm,


I Wayan Gēdē Astawa, SE.

3. Camat Bēbandēm,


I Ketut Adra, BA.

ca. Kalēkitayang ring Kantor Bupati Karangasēm,

duk rahina ANGGARA PAING Tanggal Masēhi 8 AGUSTUS 2006.

Reg. Nomor : 02/VIII/2006


BUPATI KARANGASEM

WAYAN GEREDEG

Lampiran : **KEPUTUSAN BUPATI KARANGASEM**
Nomor : 112 Tahun 2006
Tanggal: 13 Maret 2006

TENTANG :

**SUSUNAN KEANGGOTAAN TIM TEKNIS KEGIATAN
PENELITIAN/PENYEMPURNAAN DAN PEMBINAAN AWIG-AWIG
DESA PAKRAMAN KABUPATEN KARANGASEM TAHUN 2006**

Pengarah/Penasehat : I Made Madri, SH.M.Si.
Wayan Yastra, SH

Pengguna Anggaran : I Ketut Wage Saputra, SH

Pemimpin Kegiatan : I Made Sukardi, SH.

Petugas Pelaksana Teknis :

1. I Gusti Lanang Putu, SM.Hk
2. I Gusti Bagus Putra Sudewa, SH
3. I Wayan Sarba, SH (Unsur PN Amlapura)
4. I Gede Bendesa (Unsur Kejaksanaan Negeri Amlapura)
5. AIPTU. I Made Japa (Unsur Polres Karangasem)
6. I Gede Redita, S.Sos (Unsur Badan Kisbang dan Linmas Kabupaten Karangasem)
7. Drs. I Made Ada Suidasa (Unsur Kantor Agama)
8. Drs. I Gusti Made Suantara (Unsur Dinas Budpar Kabupaten Karangasem)
9. Drs. I Nyoman Putra Adnyana (Unsur MMDP Kabupaten Karangasem)
10. Ida Ayu Ngurah Sudewi (Unsur WHDI Kabupaten Karangasem)
11. Ida I Dewa Gde Catra (Unsur Tokoh Masyarakat)